

გაზეთი ბეჭდის „ვერსიას“ ერთი

ვერსია



№25 (1715) 14 – 20 აპრილი 2024 წელი

1 ლარი


ყოველკვირეული საზოგადოებრივ-პოლიტიკური გაზეთი www.versia.ge

ქურდობა მოხუცთა
თავშესაფარში



ვინ და როგორ ჰპარავდა
პენსიონერებს დანაზღვრულ

კურსის კრიტიკული დღეები



კურსის ბრძოლების ქრონიკა – როგორ უმტყუნა ნერვებმა
ვლადიმერ ვლადიმერის ძეს მთავრობის სხდომაზე



ხარვეზები სახელმწიფო
შესყიდვებში და სისხლის
სამართლის დანაშაულის ნიშნები
– რა საჭმეს იძიებს საქართველოს
გენერალური პროკურატურა
სახელმწიფო აუდიტის
სამსახურის დასკვნა

ბინები თბილისში, ძვირფასი სამკაულები და ნახატი – რა ქონებას
ფლობს კოალიცია „ძლიერი საქართველოს“ ერთ-ერთი წევრი



იურისტ
ანა
დოლიძის
ქონებრივი
დეკლარაცია

მეხანძრე-მაშველებმა დაკარგული მთამსვლელის ცხედარი იპოვეს



შინაგან საქმეთა სამინისტროს საგანგებო სიტუაციების მართვის სამსახურის თანამშრომლებმა სვანეთში, მწვერვალ შხელდაზე დაკარგული გარდაცვლილი მთამსვლელის ცხედარი, დაახლოებით, 3 800 მეტრის სიმაღლეზე, კლდოვან ფერდობზე იპოვეს.

სამძებრო-სამაშველო ოპერაციის ფარგლებში, საგანგებო სიტუაციების მართვის სამსახურის განსაკუთრებულ სიტუაციებზე რეაგირების მთავარი სამმართველოს მეხანძრე-მაშველების მიერ, შესაბამისი სპეც-ტექნიკისა და სასაზღვრო პოლიციის ვერტმფრენის ჩართულობით, მთამსვლელის ცხედარი გადმოსვენებულია და მიმდინარეობს შესაბამისი პროცედურები.

შინაგან საქმეთა მინისტრი დიდგორების დღესასწაულს დაესწრო



შინაგან საქმეთა მინისტრი ვახტანგ გომელაური, პრემიერ-მინისტრ ირაკლი კობახიძესთან, მთავრობის წევრებთან და ადგილობრივი ხელისუფლების წარმომადგენლებთან ერთად, „დიდგორობის“ სახალხო დღესასწაულთან დაკავშირებულ ღონისძიებას დაესწრო.

„დიდგორობის“ სახალხო დღესასწაული თეთრიწყაროს მუნიციპალიტეტში, დიდგორის ველზე გაიმართა.



შინაგან საქმეთა მინისტრმა შინდისის გირთა ხსოვნას პატივი მიაგო და 17 გირთის საფლავი გვირგვინით შეამკო



შინაგან საქმეთა მინისტრმა ვახტანგ გომელაურმა, პრემიერ-მინისტრ ირაკლი კობახიძესთან, მთავრობის წევრებთან და მოადგილესთან ერთად, შინდისში, 2008 წლის აგვისტოს ომის დროს დაღუპული 17 გირთის საფლავი გვირგვინით შეამკო და დაღუპული გირთების ხსოვნას პატივი მიაგო.

შინდისში დაღუპული მეზრძოლების სულების მოსახსენიებელი პანაშვიდი აღეწინა.

2008 წლის 11 აგვისტოს, რუსულ სამხედრო ნაწილთან უთანასწორო შეტაკების დროს, 17 ქართველი ჯარისკაცი გვირგვინით დაიღუპა.

პოლიციამ გურიაში მომხდარი მკვლელობის ფაქტი ცხელ კვალზე გახსნა – დაკავებულია ერთი პირი



შინაგან საქმეთა სამინისტროს გურიის პოლიციის დეპარტამენტის თანამშრომლებმა, ცხელ კვალზე ჩატარებული ოპერატიული ღონისძიებებისა და საგამოძიებო მოქმედებების შედეგად, 1986 წელს დაბადებული დ.ტ. განზრას მკვლელობის ბრალდებით დააკავეს.

დანაშაული 10-დან 15 წლამდე ვადით თავისუფლების აღკვეთას ითვალისწინებს.

გამოძიებით დადგინდა, რომ ბრალდებულმა მიმდინარე წლის 8 აგვისტოს, ურთიერთშელაპარაკების ნიადაგზე, 1958 წელს დაბადებულ თ.ს.-ს ფიზიკური დაზიანება მიაყენა. მიყენებული დაზიანების შედეგად, თ.ს. ადგილზე გარდაიცვალა.

სამართალდამცველებმა, ჩატარებული ოპერატიული ღონისძიებების შედეგად, ბრალდებული ცხელ კვალზე დააკავეს.

განზრას მკვლელობის ფაქტზე გამოძიება საქართველოს სისხლის სამართლის კოდექსის 108-ე მუხლით მიმდინარეობს.

პუტინის კრიტიკული დღეები

ენო ლოლიძე

მითი, რომ რუსეთის არმია უძლეველია, ბოლო დღეებში კიდევ ერთხელ და, ალბათ, საბოლოოდ დაინგრა. ყოველ შემთხვევაში, დღევანდელი მონაცემებით, უკრაინის არმია არა მარტო საკუთარ, არამედ, უკვე რუსეთის ტერიტორიაზეც იბრძვის და უფრო მეტიც, პუტინის „საბატონოში“ საკმაოდ დიდი რაოდენობის ფართობი აქვს დაკავებული, როგორც უცხოელი და ადგილობრივი ექსპერტები ამბობენ, კურსკის ოლქის უკრაინელებისგან დაკავება პუტინისთვის – არც მეტი, არც ნაკლები – შოკი იყო. ვლადიმერ ვლადიმერის ძის შოკი, ალბათ, მას შემდეგ უფრო გამძაფრდა, რაც უკრაინელებმა ბელგოროდის ოლქსაც შეუტიეს. იქნება თუ არა ეს ბატალიები რუსეთ-უკრაინის ომისთვის გადამწყვეტი, ჯერ დანამდვილებით ვერ ვიტყვით, თუმცა აქ ხაზგასასმელია აშშ-ის განცხადება. კერძოდ, ამერიკის შეერთებული შტატების სახელმწიფო დეპარტამენტის პრესსპიკერის მოადგილე ვედანტ პატელმა თქვა, რომ აშშ მხარს უჭერს უკრაინულ ძალებს, რათა რუსეთისგან თავდაცვა შეძლონ

„მე მივცემ ნებას ჩვენს პარტნიორებს უკრაინაში, ისაუბრონ საკუთარ სამხედრო ოპერაციებზე. თუმცა, ზოგადად, ჩვენ მხარს ვუჭერთ უკრაინულ სამხედრო ძალებს, რომ შეძლონ დაიცვან თავი რუსეთის თავდასხმებისგან, რომლებიც მათ საზღვარს კვეთენ. საბოლოოდ, გადამწყვეტილებები იმის შესახებ, თუ როგორ წარმართავს უკრაინა თავის სამხედრო ოპერაციებს, სრულად დამოკიდებულია უკრაინელების გადამწყვეტილებაზე. არაფერი შეცვლილა შეერთებული შტატების პოლიტიკაში საზღვრის მიღმა დარტყმების შესახებ“, – განაცხადა პატელმა.

„უკვე სულ სხვა პოზიციით მივა იქ უკრაინა“, – ამ განცხადებას კი „ბათუმელებისთვის“ მიცემულ ინტერვიუში გენერალ-მაიორი ვახტანგ კაპანაძე აკეთებს, რომელიც მიიჩნევს, რომ ზელენსკი მოლაპარაკების მაგიდასთან, შეიძლება, კონკრეტული პირობით მივიდეს და დაკავებული კურსკის რუსეთისთვის დაბრუნების სანაცვლოდ, ხერსონისა და ზაპოროჟიეს გათავისუფლება მოითხოვოს.

„ახლა რუსები ცდილობენ, გარკვეული დანაყოფები, რომლებიც დასასვენებლად იყო ზურგში გაყვანილი როტაციის წესით, გაიყვანონ ამ მიმართულებაზე. არ ვიცი, რამდენად სწრაფად მოახერხებს ამას რუსეთი, რადგან სექტემბერი მოდის თავისი



კურსკის ბრძოლების ქრონიკა – როგორ უმტყუნა ნერვებმა ვლადიმერ ვლადიმერის ძეს მთავრობის სხდომაზე

სექტემბერ-ოქტომბრის წვიმებით, შესაბამისად, უკრაინელებს გაუადვილდებათ ამ ტერიტორიების დაცვა. გააჩნია, რამდენის დაცვას გადამწყვეტენ უკრაინელები. არა მგონია, რაც დაიკავეს, მთლიანად იმ ტერიტორიის დაცვა დაიწყონ“, – მიიჩნევს გადამდგარი გენერალი.



რა იცვლება რუსეთ-უკრაინის ომში კურსკის მოვლენების შემდეგ? – გთავაზობთ „ბათუმელების“ მიერ ვახტანგ კაპანაძესთან ჩანერილი ინტერვიუდან ამონარიდებს.

– ბატონო ვახტანგ, თქვენი ინფორმაციით, რა ხდება კურსკში, რატომ გადამწყვეტია უკრაინამ ეს შეჭრა?

– ძნელია კონკრეტული მიზეზების თქმა, ვინაიდან უკრაინა საინფორმაციო დუმილს ინარჩუნებს, თუმცა იკვეთება სამი მიზეზი: პოლიტიკური, ოპერატიული და ტაქტიკური. არა მგონია, ამაში სტრატეგიული მიზნები იყოს და ეს სტრატეგიული შედეგის მომტანი იყოს, თუმცა ოპერატიულ დონეზე, ალბათ, მიზანი იყო, რუსების ზენოლა შეემცირებინათ დონბასის მიმართულებაზე.

ტაქტიკურ დონეზე მიზანი არის ის, რომ დაიკავონ რუსეთის გარკვეული ტერიტორიები. თუ ამის შესაძლებლობა ექნებათ, უკრაინის მცდელობაში შეიძლება ყოფილიყო ჩადებული კურსკის ატომური ელექტროსადგურის აღება, თუმცა ეჭვი მეპარება, ეს შეძლონ.

ეს არის, ასევე, ძალების გამონვება ვოლჩანსკისა და ბელგოროდის

რაიონიდან, ვინაიდან უახლოესი რაიონია კურსკის მიმართულებასთან, რუსებს, ალბათ, ყველაზე უფრო გაუადვილდებათ იქიდან ძალების გადასროლა, თუმცა ეს ვოლჩანსკის ისევე უკრაინელების ხელში დააბრუნებს.

პოლიტიკური ეფექტი კი არის ის, რომ დასავლეთის რეაქცია არის ძალიან ადეკვატური, მხარდამჭერია ამ მოქმედებასთან. აღნიშნული ტერიტორიის დაკავება გარკვეული დროით მაინც, ძალიან მნიშვნელოვანია. არა მგონია, დიდი ხნით ეს შეძლოს უკრაინამ, ვინაიდან, რაც უკრაინამ აიღო – 350 კვადრატული კილომეტრი, ეს ძალიან დიდი ფართობია. არა მგონია, უკრაინას ეყოს რესურსი ამ ტერიტორიის შესანარჩუნებლად.

იმედი მაქვს, წლის ბოლომდე მოხდება მოლაპარაკების მაგიდასთან დასხდომა. უკვე სულ სხვა პოზიციით მივა იქ უკრაინა.

– რა ძალებით, რა რესურსით უტყვის უკრაინა კურსკში?

– თუ არ ვცდები, სამი ბრიგადაა ახლა შესული, მეოთხე ბრიგადა მეორე ეშელონშია. უკრაინას ჰყავდა ორი ბრიგადა ზაპოროჟიეში კონტრშეტევისთვის. ეს არ გამოიყენეს, ვინაიდან კონტრშეტევა ვერ განვითარდა. სამი ბრიგადა იყო ასევე მომზადებული სტრატეგიული რეზერვიდან. ეს ხუთი ბრიგადა უკრაინამ გადაისროლა ჩრდილოეთ მიმართულებაზე.

გაგრძელება მე-4 გვერდზე



პუტინის კრიტიკული დღეები

მე-3 გვერდიდან

უკრაინამ საკმაოდ კარგი საინფორმაციო ომი ჩაატარა რუსების შეცდომაში შესაყვანად: რუსები გახარებული იყვნენ, რომ აი, ვოლჩანსკისა და ბელგოროდის მიმართულებაზე შეტევის შედეგად ვაიძულეთ უკრაინელები თავისი რეზერვები გადმოესროლათ ამ მიმართულებაზე. რუსები ფიქრობდნენ, რომ ეს რეზერვები იყო ზუსტად რუსების შეტევის შესაჩერებლად და აღმოჩნდა სხვა რამ: უკრაინელებმა ეს რეზერვი გამოიყენეს შეტევითი ამოცანების შესასრულებლად, რაც მოულოდნელობა აღმოჩნდა რუსებისთვის.

– რის შეცვლა მოუწევთ ახლა რუსებს?

– გარკვეული ძალების გადაყვანა უკვე ხდება ამ მიმართულებაზე ძირითადი მიმართულებებიდან.

რა თქმა უნდა, რუსების შეტევები გრძელდება დონბასში, კუპიანსკის, ლიმანის, უგლედარისა და ჩასოვ იარის მიმართულებებზე, თუმცა, როგორც უკრაინული წყაროებიდან მოდის ინფორმაცია, რუსების აქტიურობა შემცირებულია.

ახლა რუსები აგროვებენ ძალებს, მოხალისეები მათ აფხაზეთიდან და ოსეთიდანაც მიჰყავთ. მე იმედი მაქვს, რომ ისინი უკრაინის მიწაზე დარჩებიან.

ასევე, რუსები ცდილობენ, გარკვეული დანაყოფები,



რომლებიც დასასვენებლად იყვნენ ზურგში გაყვანილი როტაციის წესით, გაიყვანონ ამ მიმართულებაზე. არ ვიცი, რამდენად სწრაფად მოახერხებს ამას რუსეთი, რადგან სექტემბერი მოდის თავისი სექტემბერ-ოქტომბრის წვიმებით, შესაბამისად, უკრაინელებს გაუადვილებათ ამ ტერიტორიების დაცვა.

გააჩნია, რამდენის დაცვას გადაწყვეტენ უკრაინელები. არა მგონია, რაც დაიკავეს, მთლიანად იმ ტერიტორიის დაცვა დაიწყონ, თუმცა ის, რომ ბრძოლები იქნება და რუსებს ერთი და ორი დღე არ ეყოფათ ამ ტერიტორიების გასათავისუფლებლად, ეს ფაქტია.

აქცენტი ახლა გადატანილია ბელგოროდის მიმართულებაზე ანუ უკრაინელები დაკავებული ტერიტორიების გაფართოებას ცდილობენ. სადაზვერვო და სარეიდო მოქმედებები მიმდინარეობს ახლაც, უკრაინელები არ გაჩერებულან, თუმცა მათი წინსვლა უფრო დაბალი ტემპით ხდება.

– აღნიშნეთ, რომ კურსკის ამბების შემდეგ, უკვე სხვა პოზიციით მივა მოლაპარაკების მაგიდასთან უკრაინა. რა ჩანს ამ გადასახადიდან, რა შეიძლება გახდეს მოლაპარაკების საგანი?

– ძნელია ამის თქმა, თუმცა თუ რუსეთის ეს მნიშვნელოვანი ტერიტორია იქნება უკრაინის ხელში, მოლაპარაკებების ეტაპზე შესაძლებელი იქნება ლაპარაკი ტერიტორიების გაცვლაზე. მე წინასწარ ვერ ვეტყვი, ზელენსკი რას გააკეთებს, ერთ-ერთი ვარიანტს გეუბნებით, ჩემი აზრით, შეიძლება ლაპარაკი იგივე ზაპოროჟიეზე. გააჩნია, როდის დაიწყება ეს მოლაპარაკებები, რა ფორმატი იქნება, შემდეგ ნავა ვაჭრობა და ვინ რას დათმობს, ამისთვის კი ძალიან მნიშვნელოვანი იქნება უკრაინისთვის მძლავრი მომენტი მისვლა, გამარჯვებულის კუთხიდან მისვლა.

უდიდესი მნიშვნელობა ჰქონდა კურსკში ამ შეტევას მორალური თვალსაზრისით. ეს არის პირველი, ყველაზე მნიშვნელოვანი წარმატება, ზალუჟნის შემდეგ, უკრაინელების მხრიდან.

ეს მნიშვნელოვანია, როგორც მოსახლეობის, ისე შეიარაღებული ძალების მორალისთვის.

– კურსკის ელექტროსადგურის მნიშვნელობა როგორია რუსეთისთვის, თუ მისი ხელში ჩაგდება მოახერხებს უკრაინელებმა?

– მისი კონტროლი, გამორთვა გამოიწვევს მთლიანად სამხრეთ რუსეთის დაბნელებას,

თუმცა 35 კილომეტრი აქვთ უკრაინელებს იქამდე და რუსებმა დაიწყეს გაძლიერებული დაცვის მონაცობა სადგურის გარშემო, ტანკსაწინააღმდეგო ბეტონის ბოძკინტები ჩადებული უკვე, გადასროლილია ჰაერსანი-

დასასრული მე-5 გვერდზე

პუტინის კრიტიკული დღეები



მე-4 გვერდიდან

ნაალმდეგო საშუალებები და ასე შემდეგ. ეჭვი მეპარება, უკრაინამ შეძლოს მის კონტროლქვეშ აყვანა.

– თქვენი დაკვირვებით, კიდევ რა შეიძლება იყოს მოლაპარაკების საგანი, რამდენად შეიძლება დონბასის დათმობა განიხილებოდეს?

– არა მგონია, დონბასი განიხილებოდეს. ჩემი აზრით, განხილული იქნება ზაპოროჟიე ან ხერსონი. ლოგიკურია, რომ უკრაინელებმა მოითხოვონ 2022 წლამდე ტერიტორიების დაბრუნება და ამათ დაუთმოს კურსკი და ასევე, ბელგოროდის ნაწილი, რაც დაიკავეს.

თავის მხრივ, რუსეთი ითხოვს მთლიანად დონბასის ჩაბარებას, ასევე ხერსონისა და ზაპოროჟიეს ადმინისტრაციულ საზღვრებზე გასვლას, მაგრამ რუსეთი რომ ამას ითხოვდა, მას არ ჰქონდა მაშინ დაკარგული კურსკი და ბელგოროდის ნაწილი.

– ამერიკის ომის კვლევის ინსტიტუტის ანალიტიკოსების თქმით, დროებითი ინიციატივა მოიპოვეს უკრაინელებმა. რას ნიშნავს ინიციატივის მოპოვება?

– ინიციატივა არის ის, რომ უკრაინელები უტყვევენ და მიდიან წინ. უკრაინელები უტყვევენ და რუსები იძულებული არიან, რომ რეაგირება მოახდინონ უკრაინელების მოქმედებაზე.

– მინდა, გკითხოთ ყირიმზეც. უკრაინის დაზვერვის ცნობით, ოკუპირებულ ყირიმშიც უკრაინული საზღვაო დრონით გაანადგურეს რუსული სადესანტო კატერი. ეს შემთხვევა რას აჩვენებს თქვენთვის?

– აჩვენებს იმას, რომ საერთოდ უუნაროა რუსეთის შავი ზღვის ფლოტი, საერთოდ ვერ იყენებს მას რუსეთი და გადაამალული აქვს.

უკრაინელებისთვის უკვე ჩვეულებად იქცა რუსული სამხედრო ხომალდების პერიოდულად დაზიანება ან ჩაძირვა. ეს აჩვენებს რუსების უუნარობას შავ ზღვაზე

აქტიური მოქმედებებისთვის და რუსეთის შავი ზღვის ფლოტის უუნარობას, წინააღმდეგობა გაუწიონ ქვეყანას, რომელსაც ფლოტი არ აქვს საერთოდ.

– რა ხდება ზაპოროჟიეს ატომური ელექტროსადგურის ტერიტორიაზე, სადაც უკრაინა და რუსეთი ერთმანეთს ადანაშაულებენ ხანძრის გაჩენის გამო? ევროპაში უდიდეს ატომურ ელექტროსადგურს ამჟამად რუსეთის საოკუპაციო რეჟიმი მართავს.

– ხანძარი ლიკვიდირებულია ამ მომენტისთვის. რუსები იძახიან, რომ ეს იყო უკრაინელების დროებით შეტევა, უკრაინელები კი ამბობენ, რუსებმა თვითონ გაჩინეს თითქოს ხანძარი, საბურავები დაწვესო. ხანძარი გამაცივებელ რეაქტორებთან გაჩნდა... გაგრძელება ამ ამბავს ჯერ არ მოჰყოლია.

– ბოლოს ისევ კურსკზე მინდა გკითხოთ: საითკენ წაიყვანა რუსეთ-უკრაინის ომი კურსკის ამბავმა?

– სტრატეგიულად ამას არაფერი შეუცვლია, თუმცა ეს უდიდესი დარტყმაა რუსეთის იმიჯზე, პუტინის იმიჯზე, რომელსაც აქვს ქვეყნის დამცველისა და გამათავისუფლებლის იმიჯი. ეს ასევე მოითხოვს ძალების გადანაწილებას.

დიდი ალბათობით, წესით, უნდა შეიცვალოს სამხედრო ხელმძღვანელობა, ამხელა ჩავარდნების შემდეგ, რუსეთში. მათ ჰქონდათ ინფორმაცია იმასთან დაკავშირებით, რომ უკრაინელების აქტიურობა შეინიშნებოდა, მაგრამ ჩათვალეს, რომ ეს იყო დაცვითი მოქმედებები. მათ ვერ გამოიცნეს უკრაინელების ჩანაფიქრი.

– პასუხი გვექნებაო, რუსმა პროპაგანდისტებმა თქვეს. იქნება, ალბათ, სადამსჯელო დარტყმები, როგორც ამას აკეთებენ ხოლმე რუსები. კიევში არ გამოორიცხავენ, რომ იყოს დარტყმები და დაარტყან უშუალოდ პარლამენტის შენობას.

ყოველივე ზემოთქმულის გარდა, ამ დღეებში, გავრცელდა თეთრი სახლის მრჩეველის უსაფრთხოების საკითხებში, ჯონ კირბის განცხადება, რომ „პუტინმა დაინყო ეს ომი და მას შეუძლია, ის დაასრულოს დღესვე“.

მისი თქმით, სანამ რუსეთი უკრაინის ტერიტორიულ მთლიანობას არღვევს, ბომბავს და კლავს უდანაშაულო ადამიანებს, მანამდე აშშ უკრაინის გვერდით იდგება.

ჯონ კირბის შეკითხვა კურსკის ოლქში მიმდინარე მოვლენებზეც დაუსვეს, რაზეც მან განაცხადა:

„ეს არის პუტინის ომი უკრაინის წინააღმდეგ და ასე იყო თავიდანვე. და თუ მას რაღაც არ მოსწონს, თუ რაღაც არ აკმაყოფილებს, არის ძალიან მარტივი გამოსავალი – გამოვიდეს უკრაინიდან და შეწყვიტოს ომი“.

კირბიმ, რუსეთის ოფიციალური პირების მტკიცებებს, რომ კურსკის რეგიონში შეტევა დასავლეთის მიერაა კოორდინირებული, პუტინის პროპაგანდა უწოდა.

ის, რომ კურსკი პუტინისთვის საბედისწეროა და ამის გამო. მას კრიტიკული დღეები აქვს, ერთი „ნიუსიდანაც“ ჩანს.

კერძოდ, 12 აგვისტოს, კურსკის ოლქში მიმდინარე მოვლენებთან დაკავშირებით გამართულ მთავრობის საგანგებო სხდომაზე, რუსეთის პრეზიდენტმა, ვლადიმირ პუტინმა ოლქის გუბერნატორის მოვალეობის შემსრულებელს, ალექსეი სმირნოვს სიტყვა შეანწყვეტინა, როდესაც მან კურსკის ოლქში უკრაინის შეიარაღებული ძალების წინსვლის მასშტაბებზე დაიწყო საუბარი.

სმირნოვი: სიტუაცია ისევ რთულადაა. უკრაინელები რეგიონში 12 კილომეტრის სიღრმეზე არიან, ფრონტის ხაზი 40 კილომეტრის სიგანისაა.

პუტინი: მომისმინეთ, ალექსეი ბორისოვიჩ, სიღრმისა და სიგანის შესახებ თავდაცვის სამინისტრო შეგვატყობინებს. თქვენ სოციალურ-ეკონომიკურ სიტუაციაზე გვესაუბრეთ და იმაზე, თუ როგორ ეხმარებით ხალხს.

ცნობისთვის: ამავე სხდომაზე, სმირნოვმა თქვა, რომ ამ დროისთვის უკრაინის შეიარაღებული ძალები 28 დასახლებულ პუნქტს აკონტროლებენ.

მოსხენებისას სმირნოვმა აღნიშნა, რომ უკრაინის შეიარაღებული ძალები ოლქში სიგრძეში – 12, ხოლო სიგანეში – 40 კილომეტრით არიან შესულები.

სმირნოვის თქმით, უკრაინის შეტევების შედეგად, 12 მშვიდობიანი მოსახლეა დაღუპული, ამ დროისთვის კურსკის ოლქიდან ევაკუირებულია 121 000 ადამიანი.

გარდა ამისა, ვლადიმირ პუტინმა, რომელიც მთავრობის საგანგებო სხდომას ხელმძღვანელობდა, თქვა, რომ სასაზღვრო რეგიონში კონფლიქტი გრძელდება და „არ არის გამორიცხული, უკრაინა ბრიანსკის ოლქშიც შევიდეს“.



ბინები თბილისში, ძვირფასი სამკაულები და ნახატი – რა ქონებას ფლობს კოალიცია „ძლიერი საქართველოს“ ერთ-ერთი წევრი



იურისტ ანა დოლიძის ქონებრივი დეკლარაცია

მასპა რუხაძე

„ანა დოლიძე, რომელიც მთელი ცხოვრება თაღლითებს, მევახშეებს ვითომ ებრძოდა და ძალიან მემარცხენე, სოციალური მიმართულება ჰქონდა თავის ნიშად, გაუერთიანდა ხაზარაძე მამუკას“, – ასე განაცხადა „ქართული ოცნების“ საპარლამენტო უმრავლესობის ლიდერმა მამუკა მდინარაძემ მას შემდეგ, რაც კოალიციამ „ძლიერი საქართველო“, საარჩევნო გეგმის „ილიას გზა“ პრეზენტაცია გამართა. დიას, კოალიციაში „ძლიერი საქართველო“, ამ ეტაპზე, გაერთიანებულნი არიან: მამუკა ხაზარაძის „ლელო“, ოპოზიციური გაერთიანება „თავისუფლების მოედანი“, ანა დოლიძის „ხალხისთვის“ და ალექო ელისაშვილის „მოქალაქეები“. „ვერსია“ ანა დოლიძის ქონებრივ დეკლარაციას გთავაზობთ, თუმცა მანამდე, მისი ბიოგრაფია გავიხსენოთ.

ანა დოლიძის ბიოგრაფია

ქართველი იურისტი, მეცნიერი და ახლა უკვე მომავალი პოლიტიკოსი, ანა დოლიძე დაიბადა 1979 წლის 26 ოქტომბერს, თბილისში. 2002 წელს დაამთავრა ივანე ჯავახიშვილის სახელობის თბილისის სახელმწიფო უნივერსიტეტის იურიდიული ფაკულტეტი; 2004 წელს მიენიჭა ლეიფენის უნივერსიტეტის იურიდიული ფაკულტეტის მაგისტრის ხარისხი (LLM); 2013 წელს დაიცვა სადოქტორო დისერტაცია თემაზე – „სასამართლოს მეგობარი საერთაშორისო სამართალში“, მიენიჭა კორნელის უნივერსიტეტის იურიდიულ მეცნიერებათა დოქტორის ხარისხი; 2002 წელს გაიარა სტაჟირება ჰაავის საერთაშორისო საარბიტრაჟო სასამართლოში; 2002-2003 წწ. – მუშაობდა ორგანიზაცია – Save the Children – საზოგადოებრივი ინტერესების დაცვის პროგრამის ოფიცერის თანამდებობაზე; 2008-2009 წწ. – იყო ევროპისა და ცენტრალური აზიის პროგრამის Human Right Watch-ის მკვლევარი.

ნაკითხული აქვს ლექციები მსოფლიოს სხვადასხვა უნივერსიტეტებში, მათ შორის ნიუ იორკის უნივერსიტეტში, მადრიდის კომპლუტენსეს უნივერსიტეტში, ოქსფორდის უნივერსიტეტში, კემბრიჯის უნივერსიტეტში, ლონდონის ეკონომიკურ სკოლაში, დიუკის უნივერსიტეტში, ტორონტოს უნივერსიტეტში, ქუინსის უნივერსიტეტში (ჩრდილოეთ ირლანდია), გლაზგოს უნივერსიტეტში; გამოქვეყნებული აქვს ორი წიგნი და ოცზე მეტი სამეც-

ნიერო ნაშრომი და ანგარიში გარდამავალი პერიოდის მართლმსაჯულების, ადამიანის უფლებათა საერთაშორისო და ევროპული სამართლის, საერთაშორისო სამართლის საკითხებზე (ინგლისურ და ქართულ ენებზე); მიღებული აქვს მრავალი პროფესიული სტიპენდია და ჯილდო, მათ შორის, ატლანტიკ ბრიჯის „ახალგაზრდა ევროპელი ლიდერი“ (2009), იყო კორნელის უნივერსიტეტის სრული სადოქტორო სტიპენდიანტი, ატლანტიური აკადემიის, ნორვეგიის საერთაშორისო ურთიერთობების ცენტრის, კოლუმბიის უნივერსიტეტის და სტენფორდის უნივერსიტეტის, ბრიტანეთის საერთაშორისო და შედარებით სამართლის ცენტრის მონვეული მკვლევარი.

2000–2001 წწ. იყო ორგანიზაცია Project Harmony International-ის საქართველოს ოფისში ოჯახური ძალადობის საზოგადოებრივი თანამშრომლობის პროგრამის ასისტენტი, შემდეგ – ამავე პროგრამის კოორდინატორი; 2013-2016 წწ. – დასავლეთ ონტარიოს უნივერსიტეტის იურიდიული ფაკულტეტის ასისტენტ პროფესორი (კანადა); 2015 წლის მაისიდან 2016 წლის ივნისამდე მუშაობდა საქართველოს თავდაცვის მინისტრის მოადგილის თანამდებობაზე; 2016 წლის ივნისიდან 2018 წლის იანვრამდე იყო საქართველოს პრეზიდენტის საპარლამენტო მდივანი; 2017 წლიდან არის შავი ზღვის საერთაშორისო უნივერსიტეტის ასოცირებული პროფესორი; 2018 წლის იანვ-

რიდან დაინიშნა იუსტიციის უმაღლესი საბჭოს წევრად; 2019 წლის ოქტომბერში დააარსა კამპანია „აზარტული თამაშების წინააღმდეგ“; 2020 წლის 22 ივნისს თანამდებობა პირადი განცხადების საფუძველზე დატოვა და იმავე წელს, დააფუძნა მოძრაობა „ხალხისთვის“; 2020 წლის საპარლამენტო არჩევნებზე იყო თბილისის დიდუბისა და ჩუღურეთის მაჟორიტარობის დამოუკიდებელი კანდიდატი. ანა დოლიძე იურიდიულ მეცნიერებათა დოქტორია.

ანა დოლიძის ქონება

საკმაოდ შთამბეჭდავია ანა დოლიძის ქონებრივი დეკლარაცია, რომელიც როგორც საქართველოს იუსტიციის უმაღლესი საბჭოს ახლა უკვე ყოფილმა და მაშინ ჯერ კიდევ მოქმედმა წევრმა, სულ ბოლოს, 2021 წლის 27 სექტემბერს შეავსო.

დეკლარაციიდან ვიგებთ, რომ ანა დოლიძეს ჰყავს მეუღლე, გიორგი კიზირია და შვილები – ანდრია კაკაბაძე (პირველი ქორწინებიდან) და კრავია კიზირია. ანა დოლიძის საკუთრებაშია 58 კვ.მ. ფართობის ბინა თბილისში, გიორგი ბრწყინვალეს ქუჩაზე, რომელიც 2003 წელს შეუძენია, თუმცა ფასი დეკლარაციაში არ მიუთითებია. მისივე საკუთრებაშია 194 კვ.მ. ფართობის საცხოვრებელი სახლი, რომელიც 2016 წელს, 140 000 ლარად შეუძენია.

რაც შეეხება მეუღლეს, დეკლარაციის მიხედვით, გიორგი კიზირიას საკუთრებაშია 476 კვ. მ. ფართობის მიწის ნაკვეთი და მასზე არსებული შენობა-ნაგებობები თბილისში, რაც 2020 წელს, 95.2 აშშ დოლარად (!) შეუძენია... სამწუხაროდ, დეკლარაციაში დაკონკრეტებული არ არის, ეს რა ტიპის გადასახადია და არც შენიშვნაშია დამატებითი ინფორმაცია მითითებული, ამიტომ ჩვენ ვერ „ვიმკითხავებთ“, თუმცა ფაქტია, ინფორმაცია არასრულია და დაკონკრეტება სჭირდება. კიდევ უფრო საინტერესოა კიზირიას სახელზე რეგისტრირებული 392 კვ. მ. ფართობის ბინაც, რომელიც 2020 წელს, 78.4 აშშ დოლარად (!) შეიძინა. ინფორმაცია არც ამ შემთხვევაშია დაკონკრეტებული. გარდა ამისა, კიზირიასთვის უჩუქებიათ და შესაბამისად, 12.5%-იან წილს ფლობს 555 კვ. მ. ფართობის ბინაში, თბილისში.

ქონებრივი დეკლარაციიდან ირკვევა, რომ ანა დოლიძისთვის მეუღლეს 10000-დოლარიანი სამკაული, 4000-ლარიანი ნახატი და 2000-ევროიანი სამკაული უჩუქებია.

ანა დოლიძე რეგისტრირებულია, როგორც ინდივიდუალური მენარმე, საიდანაც მისი შემოსავალი 11 000 ლარია. მეუღლე, გიორგი კიზირია შპს „ქართული ბაღების“ 50%-იანი წილის მფლობელია, ის აგრეთვე კომპანია „რელიფ ინტერნეშენალის“ დირექტორიცაა. გიორგი კიზირიას წლიური შემოსავალი 180 000 ლარია, ხოლო ანა დოლიძის წლიური შემოსავალი, უხეში გათვლებით, 85 000 ლარია.

დეკლარაციის მიხედვით, ანა დოლიძის იპოთეკის პროცენტის წლიური გასაგვლია 36 432 ლარი, ხოლო ანდრია კაკაბაძის სწავლის გადასახადის სახით, 3000 ლარს იხდის.



ხარვეზები სახელმწიფო შესყიდვებში და სისხლის სამართლის დანაშაულის ნიშნები – რა საქმეს იძიებს საქართველოს გენერალური პროკურატურა

მამა რუხაძე

„ვერსია“ აგრძელებს სახელმწიფო აუდიტის სამსახურის იმ ანგარიშების გაცნობას, რომლებშიც სისხლის სამართლის დანაშაულის ნიშნები გამოკვეთა და მიმდინარე წელს, უწყებამ გენერალურ პროკურატურაში გადააგზავნა. ამჯერად, სახელმწიფო აუდიტის სამსახურის იმ დასკვნას გაგაცნობთ, რომელიც აფხაზეთის ავტონომიური რესპუბლიკის სხვადასხვა უწყებების მიერ განხორციელებულ სახელმწიფო შესყიდვებს ეხება. აუდიტის პროცესში გაირკვა, რომ აფხაზეთის ავტონომიური რესპუბლიკის ფინანსთა სამინისტროს მიერ, მთელი რიგი შესყიდვების შესახებ დოკუმენტაცია საქართველოს გენერალურ პროკურატურაში იყო გადაგზავნილი. შესაბამისად, ეს კონკრეტული შესყიდვები აუდიტორებმა ვეღარ შეამოწმეს. აუდიტის დასკვნა ეხება აფხაზეთის ავტონომიური რესპუბლიკის უმაღლესი საბჭოს, აფხაზეთის ავტონომიური რესპუბლიკის მთავრობის აპარატისა და აფხაზეთის ავტონომიური რესპუბლიკის სამინისტროების მიერ, 2020-2021 წლებში განხორციელებულ სახელმწიფო შესყიდვებს.



სახელმწიფო აუდიტის სამსახურის დასკვნა

ხარვეზები სახელმწიფო შესყიდვებში

დავინწყით სახელმწიფო შესყიდვების დაგეგმვაში აღმოჩენილი დარღვევებით. შემსყიდველი ორგანიზაცია შესყიდვებს უნდა ახორციელებდეს წინასწარ განსაზღვრული შესყიდვების წლიური გეგმის შესაბამისად. შესყიდვების წლიური გეგმის პროექტის შემუშავების დროს უნდა იყოს გათვალისწინებული კანონის მოთხოვნები (შესაფერისი ინფორმაციის შეგროვება, სათანადო შესწავლა და ანალიზი), რათა სახელმწიფო შესყიდვები უზრუნველყოფს რაციონალურად და სახელმწიფო ინტერესების გათვალისწინებით.

„რვა შემსყიდველ ორგანიზაციაში შესყიდვის საჭიროებები არ განსაზღვრულა რაციონალური გათვლებისა და ანალიზის საფუძველზე. საჭირო შესყიდვების სწორად და რაციონალურად დასაგეგმად არ იყო ჩამოყალიბებული მართლზომიერი პრაქტიკა. აღნიშნულ პირობებში, აუდიტის ობიექტებზე სახელმწიფო შესყიდვის წლიური გეგმებს სხვადასხვა დროს, 2020-2021 წლებში, შესაბამისად, 309 და 354 ახალი პოზიცია დაემატა შესყიდვის ახალი ობიექტის სახით, რაც თანხობრივად 874 040 ლარს და 1 118 100 ლარს შეადგენდა, თუმცა შესყიდვის გეგმის თავდაპირველ ვერსიაში არ იყო გათვალისწინებული“, – ვკითხულობთ აუდიტის დასკვნაში.

სახელმწიფო აუდიტორების დასკვნის მიხედვით ირკვევა, რომ აუდიტის ობიექტებზე შესყიდვების სამსახურების მიერ სახელმწიფო შესყიდვების გეგმის შედგენის საკითხისადმი არაჯეროვანი დამოკიდებულების გამო, იქმნებოდა სახელმწიფო შესყიდვებისათვის განკუთვნილი ფულადი სახსრების არაეფექტიანად ხარჯვის რისკები. გარდა ამისა, აუდიტის ობიექტებში შესყიდვების გეგმებთან მიმართებით, ჯამში 90 030 ლარით გადაჭარბებული საკასო შესრულება დაფიქსირდა, რაც გამომწვეული იყო შესყიდვების გეგმის მართვის პროცესში არსებული არასრულყოფილი კონტროლის მექანიზმებით და სახაზინო გადარიცხვების დროს დაშვებული შეცდომებით.

დარღვევები ბაზრის კვლევაში

კანონის მიხედვით, შემსყიდველი ორგანიზაცია მოქმედი კანონის მოთხოვნების გათვალისწინებით, პოტენციური მიმწოდებლების გამოვლენისა და მისაღები ხელშეკრულების პირობების განსაზღვრის მიზნით, ვალდებული იყო ჩატარებინა ბაზრის კვლევა, რომლის შედეგებსაც გაითვალისწინებდა შესყიდვების წლიური გეგმის პროექტის შედგენისას.

„ორ შემთხვევაში, სახელმწიფო შესყიდვების დაგეგმვის დროს, ბაზრის კვლევა არ ჩატარებულა, ან ჩატარებული კვლევა ფორმალურ ხასიათს ატარებდა. აღნიშნული გარემოება არ ემსახურებოდა პოტენციური მიმწოდებლების გამოვლენისა და შემსყიდველი ორგანიზაციისათვის მისაღები ხელშეკრულების პირობების განსაზღვრის მიზნებს. ბაზრის არასათანადო კვლევის შედეგად, შესყიდვის სავარაუდო ღირებულება არასწორად იყო განსაზღვრული. პროცესი არ იყო ფორმალზე-ბული და ვერ დგინდებოდა, რომელი მეთოდით ხდებოდა შესყიდვის სავარაუდო ღირებულების განსაზღვრა. 2021 წლის 6 დეკემბერს, იძულებით გადაადგილებულ პირთა სამინისტრომ გამოაცხადა ელექტრონული ტენდერი აფხაზეთიდან დევნილი სოციალურად დაუცველი მოქალაქეებისთვის სხვადასხვა სახის 11 642 ლარის სამშენებლო მასალების შესასყიდად. დადგინდა, რომ სავარაუდო ღირებულება დასაბუთების გარეშე განისაზღვრა ბაზრის კვლევის ეტაპზე მონოდებულ მინიმალურ ფასებზე 1 400 ლარით მეტი ღირებულებით. აღნიშნულით არ იქნა დაცული ეკონომიურობის პრინციპი“.

გარდა ამისა, სახელმწიფო აუდიტორებმა გაარკვიეს, რომ აფხაზეთის ავტონომიური რესპუბლიკის უმაღლესმა საბჭომ, 2021 წლის 12 თებერვალს, გამოაცხადა ელექტრონული ტენდერი ბალანსზე რიცხული 9 ერთეული ავტომანქანის შეკეთებასა და ტექნიკურ მომსახურებაზე. შესყიდვის სავარაუდო ღირებულებად განისაზღვრა 983 388 ლარი. ტენდერში მონაწილეობა მიიღო ხუთმა პრეტენდენტმა, მათ შორის, მინიმალური შეთავაზების ღირებულება 269 094 ლარი იყო, რაც შესყიდვის სავარაუდო ღირებულებაზე 714 294 ლარით ანუ 72%-ით ნაკლები გახლდათ.

აქედან გამომდინარე, სახელმწიფო აუდიტორებმა დაასკვნეს, რომ ობიექტებზე შესყიდვების სამსახურის მიერ საქმისადმი არაჯეროვანი დამოკიდებულებისა და კანონმდებლობის მოთხოვნების გაუთვალისწინებლობის პირობებში, სახელმწიფო შესყიდვებისათვის განკუთვნილი ფულადი სახსრების არაეფექტიანად ხარჯვის რისკები იქმნებოდა.

ხარვეზები და ინტერესთა კონფლიქტი ტენდერებში

სახელმწიფო აუდიტის შედეგად ირკვევა, რომ 2020 წლის 7 თებერვალს, აფხაზეთის ავტონომიური რესპუბლიკის უმაღლესმა საბჭომ გამოაცხადა ელექტრონული ტენდერი ავტომანქანის შეკეთებასა და ტექნიკურ მომსახურებაზე. სატენდერო პირობებში წარმოდგენილი

მოთხოვნის მიხედვით, პრეტენდენტს, მინიმუმ, ერთი სერვის-ცენტრი მაინც უნდა ჰქონოდა 5 კმ-ის რადიუსში.

„ამ შეზღუდვის გამო, ტენდერში მონაწილეობა არავის არ მიუღია, შესაბამისად, ტენდერი არ შედგა. მოგვიანებით, როდესაც ტენდერის ხელმოწერა გამოცხადებისას, რადიუსად 7 კილომეტრი განისაზღვრა, ტენდერში მონაწილეობა მიიღო მხოლოდ ერთმა პრეტენდენტმა. 2021 წელს გამოცხადდა ტენდერი იმავე მომსახურებაზე, სადაც მდებარეობის დაშორების შეზღუდვა არ იყო მითითებული. შედეგად, ტენდერში ხუთმა კომპანიამ მიიღო მონაწილეობა და შესყიდვა განხორციელდა კონკურენტულ პირობებში. შესაბამისად, სატენდერო პირობების არარაციონალურად ჩამოყალიბებამ გამოიწვია ის, რომ ერთ შემთხვევაში, ტენდერი არ შედგა, ხოლო მეორე შემთხვევაში, ტენდერი ჩატარდა არაკონკურენტულ გარემოში“.

გარდა ამისა, უმაღლესმა საბჭომ 2020 წლის 20 აგვისტოს გამოაცხადა ელექტრონული ტენდერი ავტომანქანის ძრავის შეკეთებაზე. ამ ტენდერშიც მითითებული იყო მოთხოვნა, შემსყიდველის 7 კმ-ის რადიუსში განლაგებაზე. მონაწილეობა მიიღო მხოლოდ ერთმა პრეტენდენტმა, შესაბამისად, ტენდერი ჩატარდა უკონკურენტო გარემოში.

2021 წლის 12 აგვისტოს, განათლების სამინისტრომ გამოაცხადა ელექტრონული ტენდერი მობილური აპლიკაციის – „აფხაზეთის კულტურული მემკვიდრეობის“ შესყიდვაზე. ტენდერი შეწყდა სატენდერო დოკუმენტაციის არასწორად შედგენის გამო. კერძოდ, სატენდერო დოკუმენტაციის შედგენისას დაშვებულ იქნა ტექნიკური ხარვეზი და ვერ განხორციელდა სატენდერო დოკუმენტაციის შესაბამისი პუნქტის სწორი ფორმულირება.

„2020 წლის 26 ნოემბერს, სსიპ „კულტურის, სპორტისა და ახალგაზრდულ საქმეთა სააგენტომ“ გამოაცხადა ელექტრონული ტენდერი ბეჭდვით მომსახურებაზე, რომელიც სატენდერო პირობების არასწორად წარმოდგენის შედეგად, კომისიის გადაწყვეტილებით შეწყდა. კონკრეტულად, სატენდერო კომისიის წევრმა სატენდერო კომისიას მიანოდა ინფორმაცია, სადაც აღნიშნული იყო მოთხოვნა გამოცხადებულ ელექტრონულ ტენდერში დაშვებული ტექნიკური შეცდომის შესახებ. კერძოდ, წინადადების მიღება 2021 წლის 4 იანვარს არ შეესაბამებოდა რეალობას, შესაბამისად, „ბეჭდვა და მასთან დაკავშირებული მომსახურებების“ სახელმწიფო შესყიდვა ვერ განხორციელდებოდა აღნიშნული თარიღის პირობებში“, – ვკითხულობთ აუდიტის დასკვნაში.

დასასრული მე-8 გვერდზე

ხარვეზები სახელმწიფო შესყიდვებში და სისხლის სამართლის დანაშაულის ნიშნები – რა საქმეს იძიებს საქართველოს გენერალური პროკურატურა

სახელმწიფო აუდიტორებმა გაარკვიეს, რომ განათლების სამინისტროს მიერ 2020-2021 წლებში განხორციელებულ გამარტივებულ შესყიდვებში შერჩეული 30 შემთხვევიდან, 26 შემთხვევაში, ინტერესთა შეუთავსებლობის შესახებ ხელწერილებზე წარდგენილი იყო მხოლოდ განათლების სამინისტროს შტამპი (ხელმოწერა), ხოლო უშუალოდ შესყიდვის პროცესში მონაწილე პირების ხელმოწერები არ ფიქსირდებოდა.

„კულტურის, სპორტისა და ახალგაზრდულ საქმეთა სააგენტოს“ მიერ 2020-2021 წლებში განხორციელებულ გამარტივებულ შესყიდვებში შერჩეულ 32 შემთხვევაში, ინტერესთა შეუთავსებლობის შესახებ ხელწერილებზე წარდგენილი იყო სააგენტოს დირექტორის ხელმოწერა, ხოლო შესყიდვების კოორდინატორის ხელმოწერა არ ფიქსირდებოდა.

დევნილთა სამინისტროს მიერ, 2020-2021 წლებში განხორციელებულ გამარტივებულ შესყიდვებში შერჩეული 60 შემთხვევიდან, 36 შემთხვევაში, ინტერესთა შეუთავსებლობის შესახებ ხელწერილებზე წარდგენილი იყო მხოლოდ სამინისტროს შტამპი (ხელმოწერა), ხოლო შესყიდვების მიმართულებით დასაქმებული პასუხისმგებელი პირების ხელმოწერა არ ფიქსირდებოდა.

აქედან გამომდინარე, სახელმწიფო აუდიტორებმა დააკვირეს, რომ სატენდერო პირობების განსაზღვრაში დაშვებული შეუსაბამობების გამო, ვერ იქნა უზრუნველყოფილი სახელმწიფო შესყიდვებისათვის განკუთვნილი ფულადი სახსრების რაციონალური ხარჯვა. მოქმედი კანონის მოთხოვნების გათვალისწინებლობითა და არასათანადო კონტროლის მექანიზმების არსებობის გამო, შეიქმნა ინტერესთა კონფლიქტის წარმოქმნის რისკები.

ხარვეზები შესრულებული სამუშაოს ხარისხში

სახელმწიფო აუდიტის მიხედვით ირკვევა, რომ შესაბამისი ხელშეკრულებებით შესრულებულ სამუშაოებზე მოქმედებს საგარანტიო ვადები, თუმცა შემსყიდველ ორგანიზაციებს გონივრულ ვადებში არ აღმოუჩენიათ ხარვეზები და არ გაუტარებიათ სათანადო ღონისძიებები მათი აღმოფხვრის მიზნით. 11 შემთხვევაში გამოვლინდა სხვადასხვა სახის დარღვევა, რაც უკავშირდებოდა სამუშაოების უხარისხოდ და არასრულად შესრულებას. ამ ობიექტებზე, 4 100 ლარამდე სამუშაოების შესრულება არ დადასტურდა.

სახელმწიფო აუდიტორების მტკიცებით, სსიპ „დევნილთა მომსახურების სააგენტო“ მხოლოდ სამუშაოების დასრულების შემდგომ მიმართა სსიპ „სახელმწიფო შესყიდვების სააგენტოს“ ფაქტობრივად განხორციელებული გამარტივებული შესყიდვის შესათანხმებლად. აუქციონის გარეშე ელექტრონული ტენდერის



სატენდერო დოკუმენტაციაში დაფიქსირდა არსებითი სახის ხარვეზები და დამატებითი შეთანხმებით სახელშეკრულებო ღირებულება, შესაბამისი დანართის გარეშე, გაიზარდა 19 000 ლარით, 217 000 ლარამდე.

„სადეზინფექციო მომსახურების ჩატარების მიმდინარეობისას, ობიექტების სადეზინფექციო სამუშაოების პარალელურად ახორციელებდნენ ფართების აზომვებს, თუმცა აზომვების დამადასტურებელი აქტები წარდგენილი არ ყოფილა. სამუშაოების ჩატარება არ დადასტურებულა აქტით – შესრულებულ სამუშაოებზე ფორმის მიხედვით, რაც მიანიშნებს, რომ არ შესრულდა სატენდერო დოკუმენტაციის პირობები. სადეზინფექციო სამუშაოების ჩატარებასთან დაკავშირებით, არასრულყოფილად შედგენილი აქტების, მითითებული ვადების გათვალისწინებით და ჩატარებული სამუშაოების საეჭვო მოცულობებიდან გამომდინარე, ფიქსირდება 107 750 ლარის საბიუჯეტო სახსრების არამიზნობრივად ხარჯვის რისკები“.

პროკურატურაში გადაგზავნილი მასალები

ახლა, ვნახოთ, კონკრეტულად რა მასალებია გადაგზავნილი საქართველოს გენერალურ პროკურატურაში და კონკრეტულად რას იძიებს პროკურატურა.

2021 წელს, სსიპ „პროგრამებისა და სერვისების სააგენტოში“ განხორციელდა სულ 139 სახელმწიფო შესყიდვა და გაიხარჯა 469 702 ლარი. კერძოდ, ათი კონსოლიდირებული შესყიდვა – 20 137 ლარის საკასო ხარჯით; სამი ელექტრონული ტენდერი – 178 281 ლარის საკასო ხარჯით; 126 გამარტივებული შესყიდვა (ერთ პირთან მოლაპარაკება) – 271 283 ლარის საკასო ხარჯით.

„აღნიშნული სახელმწიფო შესყიდვების ფარგლებში გაფორმებული ხელშეკრულებებით გათვალისწინებული მოთხოვნების სრულყოფილად შეუსრულებლობის პირობებში (2 ელექტრონული ტენდერი და 39 გამარტივებული შესყიდვა) მიმწოდებლებზე გადარიცხულმა თანხამ, ჯამში, 314 971 ლარი შეადგინა, რაც სულ განხორციელებული სახელმწიფო შესყიდვებით გახარჯული თანხის 67.1%-ია. ამ თანხიდან ფიქსირდება: მატერიალური ფასეულობების დანაკლისი – 156 257 ლარი; შეუსრულებელი მომსახურება და სამუშაოები – 25 798 ლარი; დასაზუსტებელი სამშენებლო სამუშაოების მოცულობა (მიმდინარეობს საქართველოს პროკურატურის მიერ დანიშნული ექსპერტიზა) – 132 916 ლარი“.

ზემოთ ჩამოთვლილ სახელმწიფო შესყიდვებთან დაკავშირებული დოკუმენტაცია, ფინანსთა სამინისტროს მიერ (7 წერილით), უკვე გადაგზავნილია საქართველოს გენერალურ პროკურატურაში. აღძრულია სისხლის სამართლის საქმე და მიმდინარეობს გამოძიება, ხოლო ორ შემთხვევაში – გამოტანილია საქართველოს გენერალური პროკურატურის დადგენილება, სააგენტოს დაზარალებულად ცნობის შესახებ. აუდიტის პროცესში არ იყო შესაძლებელი საკმარისი მტკიცებულებების მოპოვება 2021 წელს პროგრამების სააგენტოში განხორციელებული სახელმწიფო შესყიდვების კანონმდებლობასთან შესაბამისობის თაობაზე დასკვნების გამოსატანად.

აქედან გამომდინარე, სახელმწიფო აუდიტის ჯგუფი ვერ გამოთქვამს მოსაზრებას 2021 წელს პროგრამების სააგენტოში განხორციელებული სახელმწიფო შესყიდვების კანონმდებლობასთან შესაბამისობის თაობაზე.





სამართალი

№25 14 აგვისტო 2024 წ

ბათო ჯაფარიძე

ადრე ასე იყო, მოხუცთა თავშესაფარში მშობლების გაშვება არავის მოსწონდა, არავინ იწონებდა, ყველა კი ცხავდა შვილებსა თუ შვილიშვილებს მოხუცების მოშორებისთვის, თუმცა ახლა, თითქოს, სიტუაცია შეიცვალა, თითქოს, ხალხი შეეგუა იმ აზრს, რომ ეს „არ ტენავს“. ეგებ, მოხუცსაც იქ ურჩევნია, თავისი ასაკის ხალხთან ურთიერთობისთვის, ზოგადად, ცხოვრებისთვის, თუმცა სხვაობა აქაც არის – მოხუცთა თავშესაფრები განსხვავებულია. არის ისეთი, სადაც მოხუცებს თან ჰყვებიან, იქ თვეში ერთი მოხუცის შენახვა 1500 ლარამდე ჯდება და არის ისეთიც, სადაც საკვების პრობლემაც კი დგას და მოვლა-პატრონობაც ცოტა ნაკლებია. ასეა თუ ისე, კაცია და გუნება, ვიღაცა ეგუება იმ აზრს, რომ დედას, მამას, ბებიასა თუ პაპას მარტივად მოიშორებს და მოხუცთა თავშესაფარში გაუშვებს, არის კატეგორია, რომელსაც ეს ვერ წარმოუდგენია და ცოდვა გამხელილი სჯობს, მეც ამ კატეგორიას ვეკუთვნი – მშობელი, ბებია თუ პაპა, რაც შეიძლება, დიდხანს უნდა გყავდეს გვერდით, ბოლომდე უნდა გყავდეს და უმრავლეს შემთხვევაში, ვერაფერს მოუვლის მოხუცს ისე, როგორც შვილი ან შვილიშვილი.

სწორედ ერთ-ერთი ასეთი მოხუცთა თავშესაფრიდან დარეკეს გამომძიებელთან და დახმარება ითხოვეს. მოხუცი, ვინც გამომძიებელს დაურეკა, მისი შვილის ახლო მეგობარი იყო და გამომძიებელს სთხოვა, ეგებ, მინახულო, შენი ხელი გვჭირდება. გამომძიებელი არც დაფიქრებულა, ისე გაემგზავრა მოხუცთა თავშესაფარში, რადგან ეს ქალი მისთვის უცხო არ იყო, ახსოვდა, ბავშვობაში როგორ უმასპინძლებოდა ტკბილეულით, როგორ აჭმევდა საკუთრი ხელით გამომცხვარ ნამცხვარს... მეგობარსაც კი ეჩხუბა, დედა მოხუცთა თავშესაფარში რატომ გაუშვიო, მაგრამ შემდეგ, როცა პირობები იხილა, აღარაფერი თქვა, თუმცა გულში მაინც სჯეროდა, რომ თავად ასე არასდროს მოიქცეოდა.

„ახლა, რა ხდება ჩემო შვილო. ჩვენ, პენსიონერებს, პენსია ხომ გვერიცხება და ცოტ-ცოტას ვინახავთ, ცოტ-ცოტას ვხარჯავთ. აი, ნამცხვარი რომ ვიყიდოთ, კანფეტი... ან რა ვიცი, რამე თუ დაგვჭირდება ისეთი, რაც აქ არ გვაქვს. დავაბარებთ ხოლმე ჩვენს „ზავხოზს“, ის დადის ქალაქში ყოველდღიურად და მოაქვს ყველაფერი. ჰოდა, ახლა ყველას ეკარგება ფული. მთლიანად არა, მაგრამ მსხვილი კუპიურები ქრება და წარმოდგენა არ გვაქვს, ვის მიაქვს. აქ კამერები არ არის დამონტაჟებული, არც საკეტები აქვს ოთახებს, ვინ დაკეტავს, ან რატომ უნდა დაკეტოს, არავინ არავის უვარდება, არაფერია მოსაპარი ფულის გარდა, მაგრამ აქამდე არ ყოფილა შემთხვევა, რომ ფული დაკრულიყო, ახლა კი იკარგება და ამ დღეშია ყველა“, – თქვა მოხუცმა.

გამომძიებელი უსიამოვნოდ შეიმშუშნა. ის კარგად მიხვდა, რომ ფულის ქურდი ან მოხუცებს შორის უნდა ეძებნა, ან თანამშრომლებში და ორივე შემთხვევაში, უხერხულობის მომენტი შეიქმნებოდა, თანაც არ იცოდა, ვისთვის რა ეთქვა და საიდან დაეწყო, ეჭვმიტანილი იყო ყველა, თუმცა ფულს ხომ მობინადრეები კარგად დნენ და ეგებ, დამნაშავე ის იყო, ვინც არ კარგავდა? ამიტომ, ჯერ ის იყო გასარკვევი, ვის პარავდნენ ფულს და ვისთვის არ მოუპარავთ? სხვა გზა არ იყო, გამომძიებელი დაწესებულების დირექტორთან მივიდა და მიხვდა, რომ ვინ, ვინ და, დირექტორი საქმეში ნამდვილად არ იყო და ფულს არ მოიპარავდა. ამიტომ, მასთან

ქურდობა მოხუცთა თავშესაფარში



ვინ და როგორ ჰპარავდა პენსიონერებს დანაზღვს

გახსნილად საუბარიც შეიძლებოდა და ვერსიების განხილვაც, რასაც ის სიხარულით დათანხმდა, აქაოდა, თუ ქურდს ვერ დავიჭერთ, სახელი გაგვიფუჭდება, მოხუცებს კი არა, ორ ბატს არ გვანდობს არავინ მოსავლელადო და მართალიც იყო. მოხუცების პატრონები საქმის გამომძიებას კატეგორიულად ითხოვდნენ.

„როგორია, რომელიმე მოხუცზე ეჭვი მიიტანო? ისინი მთელი დღეები ერთმანეთს ხომ მხოლოდ იმას უმტკიცებენ, როგორი პატიოსნები იყვნენ მთელი ცხოვრება, როგორ ღირსეულად იცხოვრეს, ახლა კი... არ ვიცი, რა იქნება და როგორ იქნება, მაგრამ საქმე უნდა გამოვიძიოთ. მე დაგეხმარებით ყველაფერში, რასაც დამავალბებთ, ყველაფერს შევასრულებ“, – განაცხადა დირექტორმა.

გამომძიებელს იმ მოხუცების სია სჭირდებოდა, რომლებიც ფულის დაკარგვაზე არ ჩიოდნენ. ასეთი შვიდი მოხუცი აღმოჩნდა, ოთხის ამბავი გასაგები იყო, მათ საპენსიო ბარათები არ ჰქონდათ – შვილები ან შვილიშვილები იღებდნენ პენსიას, ის სამი კი, უბრალოდ, აგროვებდა, კაპიკს არ აკლებდა და ამბობდა, ეს ჩვენი დასამარხი ფულიაო. გამომძიებელმა გადაწყვიტა, მათი ოთახები ჩუმად შეემოწმებინა, ენახა, რა თანხა ჰქონდათ მოგროვებული, როგორც წესი, პენსია მოჭრილი თანხა და აქაც კოვზი ნაცარში ჩაუვარდა – ყველა მათგანს ფული ბარათზე ჰქონდა, ბარათი – ოთახში და შესაბამისად, ქეში ერთსაც არ გააჩნდა ანუ ისინი ფულს არ იპარავდნენ. ძალოვანმა ორ ოპერმუშაკს გამოუძახა, დირექტორს სთხოვა, მოხუცები გაართე, ყველას ოთახი უნდა შევამოწმო და მართლაც, შეამოწმა. საინტერესო ის იყო, რომ ოთახების სიმციროს მიუხედავად, თითქმის ყველას თანხა საგულდაგულოდ ჰქონდა შენახული და გადამალული ანუ მათი პოვნა იოლი არ იქნებოდა, თითო სამალავის მოსაძებნად, ათი წუთი მაინც იყო საჭირო, რაც იმას ნიშნავდა, რომ ნებისმიერ დროს, შესაძლოა, ოთახში რომელიმე მისი ბინადარი შესულიყო და კითხვებიც გაჩნდებოდა, მაგრამ არავინ, არავის, არასდროს დაუჭერია. გამოდიოდა, რომ დამნაშავეს ან თანამზრახველი ჰყავდა, ან ზუსტად იცოდა, ფულს ვინ სად ინახავდა, მაგრამ... რატომ გათქვამდნენ მოხუცები თავის საიდუმლოს, ან როგორ ჰკითხავდა ქურდი, ფულს სად ინახავო? გამომძიებელიცა და ოპერმუშაკებიც დაბნეულები იყვნენ.

„როცა ერთხელ დავკარგე ფული, მერე სამალავი შევცვალე, ბოლოს კი, ფული ისეთ ადგილზე დავდე, მეგონა, მის მონახვას ვერავინ შეძლებდა, მაგრამ ქურდმა მაინც მიაგნო. ბოდიში, შვილო, მაგრამ საცვალს ნაჭერი მივაკერე, იმ ნაჭერში ჩავდე და ისე შევიწახე სხვა საცვლებთან ერთად. ჰოდა, მაინცდამაინც ის იყო აღებული და ფულიც აღარ დამხვდა. არ ვიცი, რა ვიფიქრო, ამიტომ დაგიძახე შენ და შენ თუ ვერ მიშველი,

სხვა საერთოდ ვერ მიშველის“, – ნუნუნებდა მოხუცი. გამომძიებელი ხვდებოდა, რომ საქმე მარტივი არ იქნებოდა და დირექტორს უთხრა, ეგებ, ჩუმად ვიდეთვალე და ვაყენოთ ყველა ოთახში და ისიც დათანხმდა, თუმცა ეს მარტივი გასაკეთებელი არ იყო. ვიდეთვალის მონტაჟს დრო და შესაბამისი სპეციალისტი სჭირდებოდა, ამდენი ხნით კი, მოხუცების გარეთ გაყვანა წარმოუდგენლად ჩანდა. რაც მთავარია, ვიდეთვალის შესახებ, დირექტორის გარდა, არავის, აბსოლუტურად არავის უნდა სცოდნოდა. გადაწყდა, კონცერტი გაემართათ და მოხუცები ორი საათით სააქტო დარბაზში გამოეკეტათ, რაც ძალოვნებს შესაძლებლობას მისცემდა, მშვიდად ემუშავათ. მომღერლის ჩამოყვანა გამომძიებელმა ითავა და რესტორნის ნაცნობ მომღერალს სთხოვა, მიშველე და რაც მთავარია, ისე უნდა იმღერო ორი საათი, არცერთმა მოხუცმა სააქტო დარბაზიდან ფეხი არ მოიცივალოსო. ასეც მოხდა, კონცერტი „ანშლავით“ ჩატარდა, მოხუცები კარგად გაერთნენ და ერთმაც არ იცოდა, რომ მათ ოთახებში ვიდეთვალე დაამონტაჟეს.

სამი დღის განმავლობაში, საინტერესო არაფერი მომხდარა, მეოთხე დღეს კი მაშინ, როცა მოხუცები სადილისთვის იყვნენ გასულელები, ერთ-ერთი ოთახის კარი გაიღო და იქ „ზავხოზი“ შევიდა, რომელსაც ხელში კატა ჰყავდა. კატა იატაკზე დასვა და დაახლოებით ათ წამში, კატა კარადის კარს ეცა, მამაკაცმა კარი გააღო, კატა შიგნით შეხტა, მესამე თაროზე აძვრა და კაცმაც იქიდან ფული აიღო, იგივე გააკეთა კიდევ ორ ოთახში, ფულს კატა პოულობდა და მრავლისმნახველი გამომძიებელიც კი, ამ სანახაობას პირდაღებული უყურებდა. როგორ? რანაირად? რა თქმა უნდა, ფულის ქურდი დააკავეს. მართალია, ის თავიდან ყველაფერს უარყოფდა, მაგრამ როგორც კი ჩანანერები ანახეს, მიხვდა, რომ ვერ გამოძვრებოდა და მოყოლა დაიწყო.

„კარგად იცით, კატაბალახას წვეთებზე კატა როგორ რეაგირებს. ჰოდა, ეს იდეაც მაშინ მომივიდა თავში, როცა მოხუცებმა მალაზიიდან რაღაცების მოტანა მთხოვეს. ხურდას ხომ ვუბრუნებდი, სწორედ, იმ კუპიურებს წავუსვი კატაბალახას წვეთები და რომ დავუბრუნე, ეჭვი არავის აულია, აქ ხომ ყველას ეს წვეთები უდევს ჯიბეში იმისთვის, რომ საჭიროების დროს მიიღონ, შესაბამისად, არც სუნი ეუცხოვათ. მერე, იმ კუპიურებს ხომ დანარჩენებთან ინახავდნენ. მერე კატა შემყავდა და მაშინვე ნახულობდა. რატომღაც მგონია, რომ ამათ აქ ყველაფერი აქვთ და ფული, უბრალოდ, არ სჭირდებათ“, – განაცხადა დაკავებულმა.

მოხუცებს თანხა თითქმის სრულად დაუბრუნდათ, მათივე გადაწყვეტილებით, საქმეს ოფიციალური მსვლელობა არ მიეცა და „ზავხოზი“, უბრალოდ, სამსახურიდან გაათავისუფლეს.

„ქალების შურისძიება“ – ამ ტერმინს მამაკაცები ხშირად აგდებულად ამბობენ ხოლმე, მაგრამ მერნუნეთ, გულის სიღრმეში ყველამ ზუსტად იცის, რომ თუ ქალმა შურისძიება მოინდომა და „თავზე ხელი აიღო“, შეიძლება, უსასტიკესიც იყოს. ქალების ფანტაზიას საზღვარი არ აქვს და თუ შურისძიებას გადაწყვეტს, შესაძლოა, ისეთი რამ მოიფიქროს, რაც კაცს თავში აზრად არასდროს მოუფა. ამიტომ, არ აწყენინოთ ქალებს და არ მოატყუოთ ისინი, თორემ მერე, შესაძლოა, ყველაფერი სანანებელი გაგიხდეთ და დროის უკან დაბრუნებას ინატრებთ.

ის, რაც საქართველოს ერთ-ერთ დიდ ქალაქში მოხდა, იმიტომ არ განხორციელდა, რომ საქმეში პოლიციის მაღალჩინოსანი ფიგურირებდა. მაშინ, პოლიცია ჯერ კიდევ ახალი შექმნილი იყო და იმჟამინდელი ხელისუფლება ყველაფერს აკეთებდა, რომ ამ ორგანოს პრესტიჟი აენია, ხალხის ნდობა მოეპოვებინა, რაც სანყის ეტაპზე, მოახერხეს კიდევ, მაგრამ შემდეგ პოლიცია პოლიტიზებული გახდა და ნდობა არათუ დაკარგა, არამედ, ლამის, გაანულა.

მოკლედ, პოლიციის მაღალჩინოსანი სამსახურში მივიდა, არ მოეწონა, რომ ყველა ადგილი სხვა მანქანებს ჰქონდათ დაკავებული, მანქანა ეზოს გარეთ გააჩერა და პოლიციის ეზოში ფეხით შევიდა, მორიგეს უთხრა, ეზოში მხოლოდ ჩვენი თანამშრომლების ავტომობილები უნდა იდგეს, ამიტომ ყველა მოქალაქეს უთხარი, მანქანები ეზოდან გაიყვანონო. რაღა თქმა უნდა, მორიგე თავი დაუქვნიდა და ხმამაღლა გამოაცხადა, რიგითმა მოქალაქეებმა ეზო მანქანებისგან გაათავისუფლეთო, მაღალჩინოსანი კი გარეთ გავიდა და ავტომობილში ჩაჯდა, რათა თავისუფალ ადგილზე დამდგარიყო. ამ დროს, ერთ-ერთმა მოქალაქემ მანქანა ისე დაძრა, რომ მაღალჩინოსანის ავტომობილს გვარიანად გაუსვა. რა თქმა უნდა, იქ ამბავი ატყდა, მტერს და ავს, მაღალჩინოსანი აყვირდა, მოქალაქემ უღონოდ ჩამოუშვა ხელები, მიხვდა, ვერსად გაიქცეოდა და მარტო მანქანის გაკეთებას თუ აკმა-რებდნენ, ბედნიერიც იქნებოდა. მთელი განყოფილება გარეთ გამოვიდა და რა თქმა უნდა, ყველა ძალოვანი უფროსის მხარეს იჭერდა, თუმცა ეს არც იყო აუცილებელი, მოქალაქე ისედაც ხედებოდა, რომ მისი ბრალი იყო და მხოლოდ ერთ სიტყვას იმეორებდა – გავაკეთებ, გავაკეთებ, გავაკეთებ.

მაღალჩინოსანმა ერთ-ერთ თანამშრომელს დაავალა, ამას საბუთები ჩამოართვი, გაიგე, ვინ არის, სიმთვრალეზეც შეამონმეთ და მომასხენეთო. თავად კი, მანქანის საბარგული გახსნა, ცოლმა სადილი გამომატანაო და... გაოცებისგან ყველამ პირი დაალო, ქალებმა კი, შეჰკვივლეს კიდევ. საბარგულში ახალგაზრდა ქალი იწვა, რომელსაც ხელებზე ბორკილები ედო, თავიდან კი სისხლი სდიოდა. ის უგონო მდგომარეობაში გახლდათ, მაღალჩინოსანიც დაიბნა და მხოლოდ მორიგე მოახერხა თქმა, სასწრაფოს უნდა გამოვუძახოთო. გამოძახების ადგილის გათვალისწინებით, სასწრაფო დახმარების მანქანა მალე მივიდა.

„ტრავმა ძალიან სერიოზულია და როგორც მივხვდი, ცეცხლმაქრი აქვს თავში ჩარტყმული, რადგან ცეცხლმაქრის ძირზე, რომელიც თქვენს მანქანაშია, სისხლი და მისი თმაა შერჩენილი“, – ჩუმად უთხრა ექიმმა მანქანის პატრონს. ცეცხლმაქრი ცალკე ისტორია იყო, ის მაღალჩინოსანს მეგობარმა აჩუქა და მანაც საბარგულში ჩააგდო. ძირი უცნაური ჰქონდა, მომრგვალებული კი არა, კუთხიანი, ძველებურ ცეცხლმაქრებს რომ ჰქონდათ და სწორედ ამ კუთხეზე იყო შერჩენილი თმა და სისხლი. გონდაკარგული გოგო საავადმყოფოში გადაიყვანეს, პოლიციის მაღალჩინოსანი კი სამინისტროში გამოიძახეს. რა თქმა უნდა, ის არ დაუკავებიათ, რადგან ყველა ხედებოდა, რომ რაღაც ისე არ იყო და ამას თავად ეჭვმიტანილიც ხსნიდა.

„ვთქვით, ის გოგო მე ჩავტენე მანქანაში, ვთქვით, გავიყვანი და მოვიყვანე სამსახურში, უფრო გავიყვანი და

სამართლები მიტოვებული გოგოს შურისძიება



მანქანის საბარგულში ნაპოვნი თავგატეხილი ქალის ისტორია

ეზოში დატოვება მინდოდა მანქანის, მაგრამ ადგილი არ იყო და მერე, როცა ირგვლივ 30-მდე ნაცნობი თუ უცნობი ადამიანი მედგა, საბარგული გავხსენი, ცოლის გამოტანებული სადილი რომ ამელო და ყველას დავანახე, როგორ მყავს მანქანაში ჩატენილი ქალი და რა გამოდის, ჩემი ხელით გამოვიჭერი ყელი“, – ამბობდა მაღალჩინოსანი და მართალიც იყო. ამას არავინ გააკეთებდა და ყველასთვის ცხადი გახდა, რომ ეს ყველაფერი „გაუჩალიჩეს“, მაგრამ რატომ, რისთვის? თითქოს ასეთი მტრები არ ჰყავდა.

ამასობაში, საავადმყოფოდან ინფორმაცია მოვიდა, რომ გოგონა კომაში იყო და მისი გადარჩენის საკითხი დიდი კითხვის ნიშნის ქვეშ იდგა. გაარკვიეს მისი ვინაობაც და ოჯახის წევრების სანახავად, გამოძიებულთან ერთად, მაღალჩინოსანიც წავიდა.

„წარმოდგენა არ გვაქვს, ვის შეიძლება ეს მოეწყოს და გაეკეთებინა. გვესმის, რომ თქვენ ამას არ იზამდით, მაგრამ მაშინ, ვინ? მით უმეტეს, ამბობდა, რომ საქმრო ჰყავდა, რომელიც ჩვენთვის ერთი კვირის წინ უნდა გაეცნო, მერე თქვა, არ სცალიაო, მერე დაძაბული დადიოდა, თითქოს, რაღაც არ იყო რიგზე“, – ამბობდა დაზარალებულის დედა.

საქმეში საქმროს გამოჩენამ ძალოვნები დაინტერესა, მაგრამ დედამ არც სახელი იცოდა, არც – გვარი და მეტიც, ნანახიც მხოლოდ ერთხელ ჰყავდა, აივნიდან, როცა ბიჭმა მისი ქალიშვილი სადარბაზოში მიაცილა, მაგრამ აბა, ზემოდან სახეს როგორ დაინახავდა?

„ყველაზე საინტერესო იცოდა, რა არის? ძირითადად, სამსახურის მანქანით დავდივარ, ამ მანქანას არ ვხმარობ, მუდმივად გარაჟშია. ახლა, სამსახურის მანქანა რემონტზეა და მეორე დღეა, რაც ჩემი ავტომობილით დავინყე სიარული. ეზოში რომ ჩამოვედი, საბარგული გავხსენი, საქმელი ჩავდე, მანქანა დავექოქე და მაღაზიაში სიგარეტის საყიდლად ფეხით წავედი. რომ მოვბრუნდი, ჩვეულებრივად ჩავჯექი და წამოვედი. გამოდის, ვილაცამ იმ მომენტში ჩასვა ქალი მანქანაში, როცა მე სიგარეტზე გავედი, მაგრამ ვინ? მეზობლებიდან ასეთ რამეს ვერავინ გახედავდა, ყველასთან ნორმალური ურთიერთობა მაქვს და მეორეც, იცინა, რომ ასეთ რამეს მათ კი არა, საკუთარ შვილს არ ვაპატიებ“, – გაოცებული და დაფიქრებული ამბობდა მაღალჩინოსანი.

გოგონას სამსახურშიც დაადასტურეს, რომ მას ვილაც ბიჭი აკითხავდა, მაგრამ მათ არც სახელი იცოდნენ, არც – გვარი და რაც მთავარია, ნორმალურად მისი აღწერა არ შეეძლოთ. ერთადერთი, გოგოს უახლოესი მეგობარი ამბობდა, ახლოდან მყავს ნანახი, ისევე რომ დავინახო, ვიცნობ, მაგრამ აღწერა არ შემიძლიაო. საქმროს ასე გასაიდუმლოება გამოძიებელს არ მოსწონდა და მაღალჩინოსანიც დარწმუნებული იყო, რომ თუ ბიჭს ნახავდნენ, საქმესაც გახსნიდნენ, ბიჭის ნახვა კი, მარტივი ნამდვილად არ იქნებოდა, რადგან მასზე არავინ არაფერი იცოდა. ჯერჯერობით, ერთადერთ იმედად, გოგონას გა-

მოჯანმრთელება რჩებოდა, თუმცა ექიმები დაზუსტებით ვერაფერს ამბობდნენ. ამასობაში, მაღალჩინოსანმა გაიხსენა, რომ როცა სამსახურში მოდიოდა, გზაზე საკმაოდ აჩქარდა, მერე ვილაც ველოსიპედიანი კაცი შემოუხტა გზაზე და მკვეთრად დაამუხრუჭა.

„კი გავიგონე, რომ საბარგულში რაღაც მძიმედ გაინძრა, მაგრამ მეგონა ან „ზაპასკა“ იქნება, ან სხვა რამ-მეთქი, რას ვიფიქრებდი, საბარგულში ქალი თუ იყო“, – ისევე თავის თავს ესაუბრებოდა მაღალჩინოსანი. მან გადანიშნა, ისევე იმ გოგოს გასაუბრებოდა, რომელმაც თქვა, საქმრო ნანახი მყავსო. უნდოდა ეკითხა, რამე დამახასიათებელი ნიშანი ხომ არ ჰქონდა ბიჭს – ან სვირინგი, ან იარა სახეზე. გოგონა უიმედოდ აქნევდა თავს, ჩვეულებრივი ბიჭია, სვირინგი არ შემიძინავსო. მაღალჩინოსანმა ჯიბიდან საფულე ამოიღო, საფულედან – სავიზიტო ბარათი და გოგოს მიანოდა, რამეს თუ გაიხსენებ, დამირეკეო. გოგონამ ინსტიქტურად საფულეს დახედა და შეჰკვივლა. მაღალჩინოსანმა საფულეს დახედა, სადაც ერთადერთი შვილის ფოტო ედო. გოგონამ ფოტოს თითი დაადო – „ეს არის!“ კაცმა გაოცებისგან პირი დაალო, მაგრამ მალე მოვიდა აზრზე და გოგონას სთხოვა, არავის არაფერი უთხრაო და შვილის სანახავად წავიდა. ბიჭმა მხრები აიჩეჩა, კი, ერთ გოგოს ვხედებოდი, მაგრამ მერე რაღაც არ მომეწონა და დავშორდი, მეეჭვება, იმას ასეთი რამ ექნაო. მამამ შვილი საავადმყოფოში წაიყვანა და ბიჭმა დაადასტურა – კი, ეს არის. მთავარ ეჭვმიტანილად მაღალჩინოსანის შვილი იქცა, მაგრამ...

„მაგ დროს, მეგობრებთან ერთად, ქალაქგარეთ ვიყავი, მონმედ 30 კაცის მოყვანა შემიძლია, ამიტომ მე არაფერი გამიფუჭებია. ერთადერთი, რასაც ვაღიარებ, შენს დაუკითხავად მიმყავდა ხოლმე მანქანა და იმ გოგომ იცოდა, სად ვცხოვრობდი“, – თქვა ბიჭმა და მისი ალიბის გადამონმების შემდეგ, სამართალდამცავები დარწმუნდნენ, რომ ის მართლს ამბობდა. ისევე ბუნდოვანი იყო, ვინ ჩასვა გოგო მანქანის საბარგულში.

საქმე წინ ერთი ნაბიჯითაც ვერ მიდიოდა, როცა საავადმყოფოდან დარეკეს, გოგო აზრზე მოვიდა და 5 წუთით მასთან საუბრის ნებას დაგრთავთო. პალატაში გამოძიებელი და მაღალჩინოსანი შევიდნენ.

„შურისძიება მინდოდა, არ ვიცოდი, თუ საჭესთან თქვენ იქნებოდით. ჩემით ჩავძვერი საბარგულში, ხელები მერე იქ, ჩემით შევიკარი. მინდოდა, როცა გაჩერდებოდა, კვილი დამეწყო, ხალხი ხომ გაიგონებდა, დააკავებდნენ, ვიტყვოდი, გამიტაცა-მეთქი. საქმროდ ვთვლიდი და მიმაგდო. მერე გზაზე, მოულოდნელად, ძლიერად დაამუხრუჭეს და ხელები უკან რომ მქონდა შეკრული, თავი ვერ შევიკავე და რაღაცას მივარტყი. მერე არაფერი მახსოვს“, – თქვა გოგონამ.

რა თქმა უნდა, არავინ გაუსამართლებიათ, თუმცა მას შემდეგ, მაღალჩინოსანი ავტომობილში ისე არასდროს ჯდებოდა, საბარგული რომ არ ახვდა.

მოგეხსენებათ, ევროპაში ქართველ პოლიციის ატაშე-თა რიცხვი ძალიან გაიზარდა და ეს დანაშაულის ზრდას უკავშირდება. დიას, ბევრი ემიგრაციაში განათლების მისაღებად და სამუშაოდ კი არ მიდის, არამედ, იმისთვის, რომ მოიპაროს და ერთ დღეში თუ ერთ კვირაში გა-მდიდრდეს, მაგრამ მათი აბსოლუტური უმრავლესობა „კარიერას“ ციხეში ასრულებს და ნანატრი სიმდიდრეც არსად ჩანს.

ისტორია, რომელსაც ახლა გვიამბობთ, ესპანეთში მოხდა და ესპანურმა მხარემ ქართველი სამართალდა-მცავების ჩართვა თავად მოითხოვა. ზოგადად, ქართულ მხარეს ყველაზე კარგად აწყობილი და დაწყობილი თანამშრომლობა, სწორედ ესპანურ და გერმანულ მხა-რესთან აქვს.

საქართველოდან ესპანეთში, კონკრეტულად კი ბა-რსელონაში, ტყუპი და წავიდა. როგორც წესი, თავიდან ორივემ მოხუცების მოვლით დაიწყო, შემდეგ ერთი და კაფეში გადავიდა სამუშაოდ და მერე, ქალაქის გარეუ-ბანში, პატარა კაფე თავადაც აიღეს იჯარით. ნელ-ნელა საქმე აენყო და 5-6 წლის შემდეგ, დეზა იმდენი ფული მოაგროვეს, რომ საკუთარი კაფე გახსნეს. თამამად შე-იძლებოდა იმის თქმა, რომ მათი ცხოვრება აენყო, ბინაც კი აიღეს კრედიტით და იცოდნენ, რომ დაახლოებით, ათ წელიწადში, ბარსელონაში უკვე საკუთარი საცხოვრე-ბელი ექნებოდათ. ჰოდა, უბედურებაც სწორედ მაშინ გამოჩნდება ხოლმე, როცა არ ელოდები – ერთ-ერთი და ავტოავარიაში მოჰყვა და გარდაიცვალა. სანამ მეორე და მომხდარის დეტალებს არკვევდა და საქართველოში გა-დმოსვენების საბუთებს აგროვებდა, მას აუწყეს, თქვენი დის კრემაცია მოხდა და ფერფლს როდის წაიღებთ? სწორედ ეს გახდა მიზეზი, რომ ტყუპისცალი პოლიცი-აში მივიდა და განაცხადა, ეჭვი მაქვს, ჩემს დას ავარია მოუწყვეს და რაც მთავარია, იმ ავარიაში უკვე მკვდარი დაადგეს, მერე კი, კრემაცია იმიტომ გააკეთეს, ექსპე-რტიზას სიკვდილის ნამდვილი მიზეზი რომ არ გაეგო. სამართალდამცავები საქმეში ჩაერთვნენ, მაგრამ ცოტა ხანში იფიქრეს, რომ მომხდარში დანაშაულის ნიშნები არ იყო, რადგან არსებობდა ოფიციალური საბუთი, რომლის მიხედვითაც, გარდაცვალების შემთხვევაში, და სწორედ კრემაციას ითხოვდა ანუ კრემაცია მისი სურვილის შესა-ბამისად მოხდა. აღნიშნული საბუთის არსებობის შესახებ მეორე დამ არაფერი იცოდა და გაოცებული უყურებდა საბუთს, რომელზეც ამკარად მისი დის ხელმოწერა იყო. თითქოს, ყველაფერი აქ უნდა დასრულებულიყო, მაგრამ ახლა უკვე თავად პოლიცია დაინტერესდა ერთი დეტა-ლით – გარდაცვლილს, სიკვდილამდე ორი კვირით ადრე, 700 ათასი ევროს კრედიტი ჰქონდა დამტკიცებული, ეს თანხა ანგარიშზე განულებული იყო, რაც იმას ნიშნავდა, რომ ფულს არავინ გადაიხდიდა ანუ ბანკი, უბრალოდ, იზარალებდა.

„დიას, ამ კრედიტის აღება ერთობლივი გადაწყვე-ტილება იყო. ახალი კაფე უნდა გაგვეხსნა, ცოტა უფრო დიდი და უკეთეს ადგილზე, მაგრამ... არ მეგონა, თუ ჩემმა დამ თანხა გაანაღდა, მეგონა, ანგარიშზე იყო“, – გაოცებული ამბობდა გარდაცვლილის ტყუპისცალი და იმ ვიდეოებსაც გაოცებული უყურებდა, სადაც ჩანდა, როგორ ხსნიდა მისი და ყოველდღიურად ბანკომატიდან სოლიდურ თანხას.

ჰოდა, ძალოვნებს ეჭვი სწორედ აქ გაუჩნდათ. იქნებ, გარდაცვლილი იყო არა ის ქალი, რომელმაც კრედიტი აიღო, არამედ მისი და და სინამდვილეში, კრედიტის ამღები ცოცხალი გახლდათ და სიტუაციით სარგებლობ-და? იქნებ, თავად მოაწყო თავისი დის სიკვდილი და ახლა, ფულიც და ქონებაც სრულად მას რჩებოდა?! რაც მთავა-რია, დებს ერთმანეთისგან ვერავინ გაარჩევდა ანუ რო-მელი იყო ცოცხალი და რომელი გარდაცვლილი, არავინ იცოდა, ცხოვრებაშიც და საბუთების სურათებშიც, ისინი ერთმანეთს გაჭრილი ვაშლივით ჰავდნენ. ამიტომაც მოითხოვეს ესპანელმა პოლიციელებმა ქართველების ჩართვა, იქნებ, არსებობდა რამე განმასხვავებელი ნი-შანი, ან ისეთი ნათესავი საქართველოში, რომელიც მათ გაარჩევდა. რაც მთავარია, ბაზაში არ არსებობდა მათი

სამწუხაროდ, პრაქტიკულად, ყოველდღე, საქართველოში უცხოეთიდან ჩვენს მოქალაქეებს მოასვენებენ. საზღვრებს გარეთ უკვე იმდენი ასეული ათასი თუ მილიონი ჩვენებურია გასული, რომ მათი უკან ჩამოსვენებაც რიგით ამბად იქცა, ყველა შეეგუა, თითქოს. ზოგი ბუნებრივი სიკვდილით კვდება, ზოგი – ავარიით, ზოგი კლავენ და ესეც ჩვეულებრივი ამბავია, სადაც ადამიანები არიან, იქ არის სიკვდილიც და საბედნიეროდ, იქ არის სიცოცხლეც. საზღვარგარეთ არაერთი ჩვენებური იბადება და წარმატებულსაც აღწევს. არც ის გვიკვირს, მაგალითად, ოლიმპიადაზე, ძიუდოსტა შორის „ესპანელი“ ნიკო შერაზადიშვილი, ასევე „ესპანელი“ ტრისტან მოსახლიშვილი, „ნიდერლანდელი“ ერეკლე ჭკადუა, „აზერბაიჯანელი“ უშანგი კოკაური, „ფრანგი“ ლუკა მხეიძე რომ ასპარეზობდნენ და არცთუ ურიგოდ. ქართული სისხლის დუღილი იქაც ჩანდა და როგორ გინდა, არ აგეტყვოს, როცა მხეიძე ფინალში მეტოქეს ხვდებოდა, მთელი დარბაზი გუგუნებდა – „ფრანსე, ფრანსე“ და ამ დროს, სუსტად, მაგრამ მაინც ისმოდა რამდენიმე ათეული გულშემატიკერის შეძახილი – „საქართველო, საქართველო“...

როგორ გაითამაშა საკუთარი გარდაცვალება ქართველმა ქალმა ბარსელონაში



ესპანური თაღლითობის ქართული ანატომია

თითის ანაბეჭდი, რომ შეედარებინათ, დნმ კი... რომელი რომლის იყო, როგორ უნდა გაეჩინათ?

დებს მშობლები გარდაცვლილი ჰყავდათ, რაც მათი მხრიდან იდენტიფიცირებას გამოიწვევდა, არ ჰყავდათ სხვა დედამამიშვილი, ნათესავი კი... ვინმეს რომც გაე-ჩინა, იტყოდა, ცდებო და ვერაფერს დაამტკიცებდნენ. ამიტომ, საქართველოში, მათი ავადმყოფობის ისტორია მოიძიეს და საინტერესო განმასხვავებელ ნიშანს მიაგნეს. ექიმი, რომელსაც დები კარგად ახსოვდა, ამტკიცებდა, რომ ერთ-ერთ დას, მხარზე ლაქა ჰქონდა, თუმცა ეს არ იყო არც ხალი და არც – სხვა რამ, ეს იყო დაბადებიდან გამოყოფილი ლაქა, რომელიც ასაკის მატებასთან ერთად, გვარიანად გამუქდა. ჰო, ლაქა არ იყო შეუმ-ჩნეველი და ლამის ხელის გულის ზომის გახლდათ. აქ არსებული საბუთებით, ცოცხალი, სწორედ ეს და უნდა ყოფილიყო და თუ მას ლაქა აღმოაჩნდებოდა, გამოდი-ოდა, რომ ის არ ტყუოდა და გარდაცვლილი მართლაც ის იყო, რომელმაც კრედიტი აიღო. საქართველოდან ესპანეთში ერთი ძალოვანი წავიდა, ყველა საბუთი წაიღო და რაც მთავარია, წაიღო იმ ლაქას სურათი, რომელიც ცოტა უხარისხო კი გახლდათ, მაგრამ ზუსტად ჩანდა ფორმები და ადგილი მხარზე, სადაც ის ლაქა არსებობ-და. ქართველი სამართალდამცავის ჩასვლის შემდეგ, ესპანელებმა ქალი დაკითხვაზე გამოიძახეს.

„ლაქა? დიას, ლაქა მე მაქვს, ჩემს დას არ ჰქონდა“, – თქვა ქალმა და მხარი მოიმიშვლა. იქვე იყო ექიმიც, რომელმაც ყურადღებით დაათვალიერა ლაქა და გა-ნაცხადა, რომ ეს არ იყო ახლახან მიხატული, ან რამე ხელოვნური სვირინგი, ეს ნამდვილად ბუნებრივი ლაქა გახლდათ. სამართალდამცავებს ნანახი არ მოეწონათ, რადგან საქმე უფრო აიხლართა. გამოდიოდა, რომ ქალი არ ტყუოდა, მაგრამ მაშინ სად იყო ფული, რომელიც მან ბანკომატიდან მოხსნა? სხვა ანგარიშზე მას თანხა არ შეუტანია, სახლში ფული არ იდო და დაც გაოცებული ამბობდა, ამდენი თანხა, ნეტავ, სად უნდა წაეღო? ხომ შეიძლებოდა, რომ ვინმემ ამ თანხის არსებობის შესახებ იცოდა და ქალი უბრალოდ მოკლა? მაგრამ... მისი ხელით დაწერილი განცხადება კრემაციაზეც დიდ ეჭვს იწვევდა. „იქნებ, ის კრემაციორუმს მოელაპარაკა, იქნებ,

უბრალოდ ფული გადაუხადა, მაგალითად, 100 ათასი და სთხოვა, რომ ვინმე უპატრონო დაენვია“, – „ჯიგურუ-ლ-ქართულ პონტში“ იფიქრა აქედან ჩასულმა პოლიცი-ელმა და ესპანელი სამართალდამცავებიც აღნიშნული მიმართულებით წავიდნენ. პირველ რიგში, მათ ის კაცი ნახეს, ვინც ქალის გარდაცვალება ოფიციალურად და-ადასტურა და ერთადერთი კთხვა დაუსვეს – რატომ არ დაელოდა ოჯახის წევრს, რომელსაც ამოცნობა უნდა ჩაეტარებინა და რატომ გააკეთა ისე, რომ სასწრაფო წესით, გარდაცვლილი კრემაციორუმის გზას გაუყენა? ექიმს საბუთებით ყველაფერი წესრიგში ჰქონდა, მანქანა გარდაცვლილის იყო, საბუთებით ის იყო, სახეც ის იყო და კრემაციორუმში გაშვება კიდევ, მისივე მოთხოვნა გახლდათ. თითქოს, ყველაფერი აქ უნდა დასრულე-ულიყო, მაგრამ...

„გარდაცვლილის ფერფლი დამ სამშობლოში წაიღო და ის ორი დღის წინ გაფრინდა. ჰოდა, მე დღეს ზუსტად იგივე გარეგნობის ქალი დღეს, სუპერმარკეტში ვნახე, სახეს კი იფარავდა, თავშალიც ეკეთა, მაგრამ ის იყო. მგონია, რომ ეს სწორედ ის გარდაცვლილია, ქუჩაში არ დავაკავე, სახლამდე მივყვე, იქვე პატრულს ვთხოვე, რომ სახლისთვის ედარაჯა და აქ მოვედი“, – ქართველი პოლიციელი ესპანელ კოლეგებს ესაუბრებოდა. რაღა თქმა უნდა, მისამართზე ჯგუფი გავიდა და „გარდაც-ვლილი“ დააკავეს.

„700 ათასი ევრო ძალიან ბევრია, ამ ფულით ცხოვრე-ბას ერთიანად ავიწყობდით. ყველაფერი მე დავგეგმე, ჩემმა შტერმა დამ არაფერი იცოდა და რომ გავეგო, არ დამანებებდა. ფული მე მაქვს, ოღონდ 600 ათასი, 100 თასი პათანატომს მივეცი, ყველაფერი ისე რომ გაეკეთე-ბინა, ეჭვი არავის აელო. არ ვიცი, მგონი ორი კვირის წინ ნაპოვნი უსახლკარო ქალი დაფერფლეს“, – განაცხადა დაკავებულმა.

თაღლითობისთვის ქართველ ქალს 4 წლით თავი-სუფლების აღკვეთა მიუსაჯეს, ექიმს – 6 წელი მისცეს, ფული კი ბანკმა წაიღო და ყველაფერთან ერთად, თავი-სუფლებაზე დარჩენილი და, ციხეში მყოფი ტყუპისცა-ლისთვის, ბანკის მიერ დაკისრებულ 70 ათას ევროს ეტაპობრივად იხდის.

პროკურატურამ სოფელ აბანში მომხდარ ჯანმრთელობის განზრახ მძიმე დაზიანების ფაქტზე ბრალდებულ ორ პირს, საიდანაც ერთი სამართალდამცველია, დაზარალებულის გარდაცვალების გამო, ბრალდება დაუმიძია



საქართველოს პროკურატურამ, გორის მუნიციპალიტეტის სოფელ აბანში მომხდარ ჯანმრთელობის განზრახ მძიმე დაზიანების ფაქტზე ბრალდებულ ორ პირს, დაზარალებულის გარდაცვალების გამო, ბრალდება დაუმიძია.

პროკურატურის მიერ გავრცელებული ინფორმაციით, სპეციალური საგამოძიებო სამსახურის მიერ ჩატარებული გამოძიებით დადგინდა, რომ 29 ივლისს, სოფელ აბანში, შინაგან საქმეთა სამინისტროს განსაკუთრებულ დავალებათა დეპარტამენტის ინსპექტორმა დ.რ.-მ და ი.ბ.-მ ჯგუფურად, დაზარალებულს თავისა და სხეულის არეში ჯანმრთელობის მძიმე, სიცოცხლისთვის სახიფათო დაზიანებები მიიყენეს, რის შედეგადაც, დაზარალებული 11 აგვისტოს გარდაიცვალა.

მათივე ცნობით, პროკურატურამ ორივე მათგანს დაზუსტებული ბრალდება საქართველოს სისხლის სამართლის კოდექსის 117-ე მუხლის მეოთხე ნაწილით (ჯანმრთელობის ჯგუფურად, განზრახ მძიმე, სიცოცხლისთვის სახიფათო დაზიანება, რამაც სიცოცხლის მოსპობა გამოიწვია) წარუდგინა, რაც სასჯელის სახედ და ზომად 10-დან 14 წლამდე თავისუფლების აღკვეთას ითვალისწინებს.

„აღნიშნულ სისხლის სამართლის საქმეზე, გამოძიების პირველ ეტაპზე ბრალდება დ.რ.-ს სსკ-ის 117-ე მუხლის პირველი ნაწილით (ჯანმრთელობის განზრახ მძიმე დაზიანება), ხოლო ი.ბ.-ს დაუსწრებლად სსკ-ის 376-ე მუხლის პირველი ნაწილით (მძიმე დანაშაულის შეუტყობინებლობა) წარუდგინათ და აღკვეთის ღონისძიების სახით პატიმრობა შეეფარდათ. მოგვიანებით, მათ ბრალდება დაუზუსტდათ და საქართველოს სისხლის სამართლის კოდექსის 117-ე მუხლის მეხუთე ნაწილის „ღ“ ქვეპუნქტით (ჯანმრთელობის ჯგუფურად, განზრახ მძიმე, სიცოცხლისთვის სახიფათო დაზიანება) წარუდგინათ.

ბრალდებული დ.რ. პენიტენციურ დაწესებულებაშია მოთავსებული, რაც შეეხება ი.ბ.-ს, მის მიმართ გამოცხადებულია ძებნა.

სპეციალურ საგამოძიებო სამსახურში სისხლის სამართლის საქმეზე გამოძიება გრძელდება“, – ნათქვამია პროკურატურის მიერ გავრცელებულ ინფორმაციაში.

შინაგან საქმეთა მინისტრმა სამსახურებრივი მოვალეობის შესრულების დროს დაღუპული პოლიციელების მემორიალი გვირგვინით შეამკო

შინაგან საქმეთა მინისტრმა ვახტანგ გომელაურმა, მოადგილეებთან ერთად, რუსეთ-საქართველოს ომის დროს, სამშობლოს სამსახურისთვის თავგანწირულ შინაგან საქმეთა სამინისტროს თანამშრომელთა მემორიალი გვირგვინით შეამკო.

სამინისტროს ეზოში, საქართველოს ერთიანობისთვის დაღუპული პოლიციელების მემორიალი ყვავილებით შეამკეს და 2008 წლის ომის გმირების ხსოვნას პატივი მიაგეს შინაგან საქმეთა სამინისტროს სხვადასხვა დეპარტამენტის ხელმძღვანელებმაც.

16 წლის წინ, 2008 წლის აგვისტოში, რუსეთ-საქართველოს ომის დროს, შინაგან საქმეთა სამინისტროს – 14 და სანაპირო დაცვის – 5 თანამშრომელი დაიღუპა.



ვახტანგ გომელაურმა მუხატგვარდის ძმათა სასაფლაოზე, 2008 წლის ომის გმირების ხსოვნას პატივი მიაგო

შინაგან საქმეთა მინისტრმა ვახტანგ გომელაურმა, პრემიერ-მინისტრ ირაკლი კობახიძესთან, პარლამენტის თავმჯდომარე შალვა პაპუაშვილთან, მთავრობის წევრებთან და დიპლომატიური კორპუსის წარმომადგენლებთან ერთად, მუხატგვარდის ძმათა სასაფლაოზე, 2008 წლის აგვისტოში, რუსეთ-საქართველოს ომის დროს დაღუპული მებრძოლების ხსოვნას პატივი მიაგო.

პროკურატურა: „ბრალდება წარედგინა პირს, რომელმაც ლანჩხუთში დაზარალებული თოკით გააკოჭა, ბლავი და ბასრი საგნებით სხეულზე დაზიანებები მიაყენა, რის შედეგადაც, ის ადგილზე გარდაიცვალა“

საქართველოს პროკურატურამ ლანჩხუთის მუნიციპალიტეტში, დამამძიმებელ გარემოებებში, განსაკუთრებული სისასტიკით ჩადენილი განზრახ მკვლელობის ფაქტზე, ერთ პირს ბრალდება წარუდგინა. ინფორმაციას პროკურატურა ავრცელებს.

მათივე ცნობით, შინაგან საქმეთა სამინისტროს მიერ ჩატარებული გამოძიებით დადგინდა, რომ მ აგვისტოს, ქალაქ ლანჩხუთში, ბრალდებულმა დაზარალებული თოკით გააკოჭა, რის შედეგადაც ბლავი და ბასრი საგნების გამოყენებით, სხეულზე დაზიანებები მიაყენა. მიღებული დაზიანებების შედეგად, დაზარალებული ადგილზე გარდაიცვალა.

„სამართალდამცველებმა ბრალდებული 9 აგვისტოს დააკავეს. მას ბრალდება საქართველოს სისხლის სამართლის კოდექსის 109-ე მუხლის „მ“ ქვეპუნქტით (განზრახ მკვლელობა, ჩადენილი განსაკუთრებული სისასტიკით) წარუდგინა, რაც სასჯელის სახედ და ზომად 16-იდან 20 წლამდე ან უვადო თავისუფლების აღკვეთას ითვალისწინებს.

პროკურატურის შუამდგომლობის საფუძველზე, ბრალდებულს აღკვეთის ღონისძიების სახით პატიმრობა უკვე შეეფარდა“, – აღნიშნულია პროკურატურის მიერ გავრცელებულ ინფორმაციაში.

სარფის მეზაჟე ოფიცრებმა არადეკლარირებული ოქროსა და ვერცხლის ნაკეთობების შემოტანის ფაქტები აღკვეთეს



ფინანსთა სამინისტროს შემოსავლების სამსახურის საბაჟო გამშვებ პუნქტში – „სარფი“, მეზაჟე ოფიცრების მიერ, უცხო ქვეყნის მოქალაქეების ეჭვის საფუძველზე, როგორც ფიზიკური, ასევე კუთვნილი ბარგის/ხელბარგის დათვალიერების შედეგად, არადეკლარირებული ოქროსა და ვერცხლის ნაკეთობები (ოქროს ნაკეთობების საერთო წონა – 357.87 გრამი და ვერცხლის ნაკეთობების საერთო – წონა 60.23) გამოვლინდა. ამის შესახებ ინფორმაციას ფინანსთა სამინისტროს შემოსავლების სამსახური ავრცელებს.

უნწყების ცნობით, არადეკლარირებული საქონლის საერთო საბაჟო ღირებულებამ 73 798.07 ლარი შეადგინა.

ამასთან, როგორც გავრცელებულ ინფორმაციაშია აღნიშნული, საქმის მასალები, შემდგომი რეაგირების მიზნით, ფინანსთა სამინისტროს საგამოძიებო სამსახურს გადაეცა.

სპეციალურმა საგამოძიებო სამსახურმა ქალზე ძალადობის ბრალდებით სამართალდამცავი დააკავა

სპეციალური საგამოძიებო სამსახურის თანამშრომლებმა, ძალადობისა და მუქარის ფაქტზე, შინაგან საქმეთა სამინისტროს დაცვის პოლიციის დეპარტამენტის ინსპექტორი დააკავეს.

სპეციალური საგამოძიებო სამსახურის ცნობით, ბრალდებულმა სამართალდამცავმა, 2024 წლის 6 აგვისტოს, დუშეთის რაიონის სოფელ ზემო ბულაჩაურში, დაზარალებულს სახისა და თავის არეში დაზიანებები მიაყენა და დაემუქრა მისი და მისი შვილების სიცოცხლის მოსპობით.

ამასთან, განმარტავენ, რომ სპეციალურმა საგამოძიებო სამსახურმა, დაზარალებული ქალის მომართვის შემდეგ, გადაუდებელი საგამოძიებო მოქმედებები ჩაატარა, რის შედეგადაც 2024 წლის 7 აგვისტოს, სამართალდამცავი დაკავებული იქნა ძალადობისა და მუქარის ბრალდებით.

„დანაშაული 3 წლამდე თავისუფლების აღკვეთას ითვალისწინებს. სამართალდამცავს ბრალდება 48 საათში წარუდგინება. სპეციალური საგამოძიებო სამსახური საქმეზე აგრძელებს გამოძიებას“, – აღნიშნულია განცხადებაში.

სამი ოქრო და საქართველომ ისტორიის უდიდეს ნაწილს გაემიჯნა დახედა



ინდოეთი – 1.5 მილიარდი, თურქეთი – 80 მილიონი, მექსიკა – 113 მილიონი, კოლუმბია – 50 მილიონი, მაღალიზია – 30 მილიონი, პერუ – 30 მილიონი, ჩრდილოეთ კორეა – 30 მილიონი, კოტ დივუარი – 30 მილიონი – ეს იმ ქვეყნების არასრული ჩამონათვალია, რომელთა მოსახლეობაც საქართველოსას, ყველაზე ცოტა, ათჯერ აღემატება და რომლებსაც ამ ოლიმპიადაზე ოქროს მედალი არ ღირსებიათ. ჰო, ამ ქვეყნების წარმომადგენლებმა ოქროს გემო ვერ გაიგეს და ჩვენ, პატარა ქვეყნის ამაცმა შვილებმა, მსოფლიოს კიდევ ერთხელ დავანახეთ, რომ – You know, 300 Aragveli?

ცოტა არ იყოს, პარადოქსულად ჟღერს, მაგრამ მეტიც შეგვეძლო და თან როგორ შეგვეძლო. არავის ეგონა, რომ მრისხანე მეტოქის მიუხედავად, ფინალს წააგებდა ტატო გრიგალაშვილი და ასევე არავის ეგონა, რომ ფინალში საუცხოოდ მოჭიდავე ილია სულამანიძე, გამოუცდელიობის გამო, 12 წამში ორ გაფრთხილებას მიიღებდა.

ისინი ვერცხლს დასჯერდნენ, მაგრამ ისეთი ასაკი აქვთ, რომ ოქროსთვის აუცილებლად გაინევენ და გაინევენ ზუსტად ისე, როგორც ეს გენო პეტრიაშვილმა გააკეთა. ჰო, ქორობზე საუბარი, სწორედ პეტროთი დავიწყეთ.

გასულ ოლიმპიადაზე, ფინალში საუცხოოდ მოჭიდავე გენომ, შეხვედრა სამ წამში დათმო, მოულოდნელი ილეთი მიიღო მეტოქისგან და ეს იყო ყველაზე მწარე მარცხი მის კარიერაში. იმდენად მწარე, რომ მას შემდეგ, გენო ფინალზემდე მიდიოდა და.. ვეღარ იგებდა. ჰო, ევროპისა და მსოფლიოს ჩვენი ჩემპიონი, თითქოს, დაკომპლექსდა და აგერ, ისევე ოლიმპიადა, ისევე ფინალი და... თითქოს, ისევე ის დრამატული სცანარი, მაგრამ არა – პეტრიაშვილს ძველი გამოცდილება მწარედ ახსოვდა და მოიგო, მოიგო კარიერის ყველაზე დიდი ტურნირი და როგორ შეიძლება, ცრემლი არ წამოგვივიდეს, როცა პეტრიაშვილმა პირველივე კომენტარში იკითხა, ნეტავ, მამაჩემი ცოცხალია? ცალკე წიგნი დაიწერება

პეტრიაშვილის დაჯილდოების ცერემონიაზე. გენო კვარცხლბეკის უმაღლეს საფეხურზე იდგა, ბრინჯაოს მედალი კი ამავე წონაში, აზერბაიჯანის სახელით მოასპარეზე გიორგი მუშვილიძემ აიღო და როცა ქართული დროა ასწიეს და ჩვენი ჰიმნი დაუკრეს, გენოს მსგავსად, მკერდზე ხელი მუშვილიძემაც მიიღო და ჰიმნს აჰყვა.

იმავე დღეს, ოლიმპიადაზე ჰიმნი ლაშა ტალახაძის პატივსაცემად დაუკრეს და დაუკრეს ზედიზედ მესამედ. დამოუკიდებელი საქართველოს ისტორიაში, ტალახაძე პირველია, ვინც ოლიმპიური ოქრო სამჯერ მოიგო და მაშინვე თქვა, მეოთხედაც შევეცდებიო. ვილაცას შეიძლება მოეჩვენოს, რომ ლაშას მოგება გაუჭირდა, მაგრამ რეალურად, ჩვენს მძლეთამძლეს ტრავმა ჰქონდა, ერთი წელი ამ ტრავმის გამო, არცერთ ტურნირზე არ მიუღია მონაწილეობა და ახლა მისი წარმატება გმირობა იყო. მან ზუსტად იმდენი ასწია, რამდენიც ჩემპიონობისთვის ეყოფოდა და მოდიო, ისიც ვთქვათ, რომ ასაკის გამო, ლაშას სულ უფრო გაუჭირდება, მაგრამ მისი უნიკალური მონაცემების გამო, მეოთხე ოქროს უდიდესი იმედი გვაქვს.

თავის დროზე, ლაშა ბექაურის მიერ ნათქვამი, ოლიმპიადა ოთხჯერ უნდა მოვიგოო, ბევრმა ბავშვურ გულუბრყვილობად ჩათვალა, მაგრამ აგერ, 24 წლის ასაკში, ლაშა ორგზის ოლიმპიური ჩემპიონია და თამამად შეიძლება ითქვას, რომ საკუთარ წონაში ბადალი არ ჰყავს. ეს ოლიმპიადაც ბექაურმა ერთი ამოსუნთქვით მოიგო და ეჭვი გვაქვს, მომდევნო ოლიმპიადისთვისაც ისე მოემზადება, როგორც ახლა – მშვიდად და თავდაჯერებულად.

ცალკე სათქმელია ლაშა გურულის წარმატება. ორი ათეული წელი დაგვჭირდა იმისთვის, რომ კრივში ოლიმპიური მედალი ისე აგველო და აჰა, ეს დღეც დადგა. ლაშამ ბრინჯაო მარტივად გაინაღდა, აი, ნახევარფინალში კი, მომავალ ჩემპიონთან ულაპარაკოდ წააგო, თუმცა ნანატრი მედალი მაინც აიღო.

და ოლიმპიადის ბოლო დღეს, იმდენი გვექონდა, რომ გივი მაჭარაშვილი დანაპირებს აასრულებდა და ოლიმპიადის წინ ნათქვამს, ყველა მეტოქეს დავამარცხებ, კარგ ფორმაში ვარო, გაამართლებდა. გივი ფინალამდე დამაჯერებლად, ჭკვიანური ჭიდაობით მივიდა, იქ კი ბაპრეინის სახელით მოასპარეზე, დადესტენელი ახმედ ტაჟუდინოვი ელოდა. ეს ბიჭი 21 წლისაა, სამი წელია, რაც დიდებში გადმოვიდა და ჯერ შეხვედრა არ წაუგია. ამბობენ, რომ მას უდიდესი მომავალი აქვს და როგორც ჩანს, არცთუ ტყუილად – მან მაჭარაშვილს შებოჭვით მოუგო და 21 წლის ასაკში, ოლიმპიური ოქროს მედალი მოიპოვა, ჩვენ კი ვერცხლს დავჯერდით.



საქართველოში საკლუბო ფეხბურთი მკვდარია



ფეხბურთში, ევროტასების შესარჩევი ეტაპი გახურდა და როგორც მოსალოდნელი იყო, ქართული კლუბებისთვის უკვე დასრულებულია. მართალია, გათამაშების მესამე ეტაპზე „იბერია 1999“ კი გამოდის, მაგრამ თბილისურმა კლუბმა პირველი შეხვედრა შინ წააგო და უკვე შეიძლება იმის თქმა, რომ ვერც სტუმრად, საპასუხო მატჩში ივარგებს.

რა სჭირს ქართულ საკლუბო ფეხბურთს? პირველ რიგში ის, რომ, პრაქტიკულად, ყველას ჰყავს არაერთი ისეთი ლეგიონერი, რომელიც საშუალო დონისაა. ვერ გაიგეს ქართულმა კლუბებმა, რომ თუ ადამიანი ფერადკანიანია, აუცილებლად ფეხბურთელი ვერ იქნება და ვერც ბრაზილიის პასპორტია იმის გარანტი, რომ მისი მფლობელი ფეხბურთს თამაშობს. ჰოდა, ჩამოგვყავს ეგზოტიკური შეფერილობის მამაკაცები, რომლებსაც ვაიძულებთ, ფეხბურთი ითამაშონ, მაგრამ არ იციან. სამაგიეროდ, სოლიდურ ხელფასებს იღებენ (ქართული საზომებით, 5-6 ათასი დოლარი აშკარად სოლიდურია, მით უმეტეს, თუ ფეხბურთის თამაში არ იციან და არც არავინ გთხოვს) და გზას უკეტავენ პერსპექტიულ ქართველ ახალგაზრდებს, რომლებმაც, შესაძლოა, დიდი ფეხბურთი ითამაშონ, მაგრამ საამისო შანსი, უბრალოდ, არ ეძლევათ. არადა, სწორი მიდგომით, სწორი მუშაობით, შედეგის მიღწევა აშკარად შეიძლება და ამის ბევრი მაგალითი გვაქვს. ავიღოთ სომხური და აზერბაიჯანული კლუბები. არ გვაქვს საუბარი იმაზე, რომ ამ ქვეყნების წარმომადგენლები ჯგუფურ ეტაპებზე, ლამის, მუდმივად თამაშობენ, ახლაც კი, როცა საქართველს ყველა წარმომადგენელი გამოეთიშა ევროტასებს, მათ სამ-სამი კლუბი შერჩათ. საქმეშია ფარერული გუნდი, ლუქსემბურგის გუნდი ანუ ქვეყნების, რომელთა ნაკრებებს კი არ მოვუგებთ, ბურთს თავზე გადავახვეთ, მაგრამ საკლუბო დონეზე გვჯავნია.

ლეგიონერების ჩამოყვანის გარდა, ერთგვარ მოდელ შემოვიდა ისიც, რომ გუნდს აუცილებლად უცხოელი მწვრთნელი უნდა ჰყავდეს და მნიშვნელობა არ აქვს, ამ სპეციალისტს აქვს თუ არა შესაბამისი კვალიფიკაცია. აგერ, გორის „დილას“ პორტუგალიელ მწვრთნელზე ამბობდნენ, კარგაო, მაგრამ ექვსთვიანი მუშაობის შემდეგ, ის სომხურმა კლუბმა გადაიბირა, სამჯერ მეტი ხელფასი შესთავაზა და ისიც წავიდა. „დილა“ ევროტასებზე არ არის, ის სომხური კლუბი კი დღემდე ასპარეზობს.

სად არის გამოსავალი? ფეხბურთში მხოლოდ ფულის ჩადება არ კმარა. იმისთვის, რომ შედეგი გვექონდეს, აუცილებელია კვალიფიციური მწვრთნელი და კვალიფიციური ფეხბურთელები, არ არის აუცილებელი, კარგად რომ ითამაშო, აუცილებლად ფერადკანიანი იყო. გვახსოვს ისეთებიც, ვითომ სინჯებზე რომ ჩამოდიოდნენ და მერე „ზაპრაეკაზე“ ჩამსხმელად რომ მუშაობდნენ. ახლაც, ლეგიონერთა 95% უბრალოდ გასაგდებაა, მაგრამ... იმასაც ამბობენ, ასე ფულს ათეთრებენო და რა გითხრათ აბა, რაც დაზუსტებით არ ვიცით.

უკვე რეალურია – „ლივერპული“ მამარდაშვილს იყიდის და... არ წაიყვანს

ევროპის ჩემპიონატის დასრულების შემდეგ, ყველა მოუთმენლად ელოდება, სად გააგრძელებს კარიერას საქართველოს ნაკრებისა და „ვალენსიას“ კარის დარაჯი გიორგი მამარდაშვილი. ყველა ხვდება, რომ გიო ესპანური გუნდისთვის უკვე ზედმეტად დიდი ფუფუნებაა და „ლაპორტო“ იმდენად შეეჩვივნენ იმას, რომ მამარდაშვილს მათ რიგებს დატოვებს, მისი შემცვლელი უკვე იყიდეს. ბევრს საუბრობდნენ იმაზე, რომ მამარდაშვილი კარიერას პრემიერლიგის რომელიმე კლუბში გააგრძელებდა და ის, რასაც ვარაუდობდნენ, რეალობას ემსგავსება. უდიდესია იმის შანსი, რომ თვის ბოლომდე, გიორგიმ კონტრაქტი „ლივერპულთან“ გააფორმოს.

„მერსისაიდელის კარის დარაჯი, ალისონ ბეკერი გუნდიდან წასვლას და კარიერის არაბეთში გაგრძელებას აპირებს. მას ზღაპრულ ხელფასს სთავაზობენ და ისიც მზად არის, კარიერის ბოლო ორი-სამი წელი, სწორედ ფულის კეთებას დაუთმოს. ჰოდა, „ლივერპული“ თავს იზღვევს და თუ ალისონი გუნდიდან ამ ზაფხულს წავა, მის ნაცვლად, მამარდაშვილს ჩააყენებენ კარში, თუ არადა, ქართველს მაინც იყიდიან და ერთი წელი იჯარით ისევ „ვალენსიაში“ დატოვებენ და ნისლიანი ალბიონის გზას, მომავალი სეზონის ბოლოს გაუყენებენ“, – წერს ბრიტანული მედია.



კუბელმა ისტორია გა-დაწერა



კუბელი მოჭიდავე, მიხაინ ნუნიეს ლოპესი, ბოლო ცხრა წელია, არცერთ დიდ ტურნირს არ ჭიდაობს და მხოლოდ ოლიმპიადებზე გამოდის იმისთვის, რომ თავისი საოცარი ძალა გულშემატკივრებს კიდევ ერთხელ ანახოს. პარიზში გამართულ ოლიმპიადაზე ნუნიეს ლოპესი განთესილებს შორის იმ მიზეზით არ იყო, რომ მხოლოდ ერთ უმნიშვნელო, თუმცა ლიცენზიის მომტან ტურნირში მიიღო მონაწილეობა და პარიზში მეხუთე ოლიმპიურ ოქროს შეუტია. ჰო, კუბელს ზურგს 4 ოლიმპიადა და ამდენივე ოქროს მედალი უმაგრებდა, რაც ერთი კი არა, ორი და სამი შეხედვითაც, წარმოუდგენელი შედეგია.

ნუნიეს ლოპესი რომ უპირობო ფავორიტი იყო, ყველა აღიარებდა, მაგრამ იმასაც ფიქრობდნენ, რომ 41 წლის ასაკში, მაღალ დონეზე ჭიდაობა გაუჭირდებოდა, მაგრამ ნურას უკაცრავად – მან ყველა შეხვედრა დამაჯერებლად მოიგო, ოლიმპიადის მეხუთე ოქროს მედალი დაიკავა გულზე და... კარიერა დავასრულეო, თქვა. მის გამარჯვებას პოლიტიკოსებიც კი გამოეხმაურნენ და განაცხადეს, ნუნიეს ლოპესი კუბელი რომ არ იყოს, ბევრად დიდი და პოპულარული იქნებოდაო, მაგრამ ეს მაინც გადაჭარბებული ნათქვამი გვგონია – მეტი რაღა დიდი გინდათ, კაცმა 5 ოლიმპიადაზე მიიღო მონაწილეობა და ხუთივეჯერ დაუმარცხებლად დატოვა იქაურობა. მეხუთე მედლის მოპოვების შემდეგ კი იქვე, საჭიდაო ხალიჩაზე ფეხსაცმელები გაიხადა, რაც იმას ნიშნავს, რომ დიდი კაცი, დიდი სპორტიდან საბოლოოდ წავიდა.

ტყე ტიროდა

ხშირი, დაბურული ტყით შემორტყმულ მდელოზე დიდი ჟრიაშული ისმოდა. ქალი, კაცი, ბავშვები და ძაღლები ერთმანეთში ბუზივით ირეოდნენ! მომეტებული ნაწილი თოფ-იარაღიანი ხალხი იყო. ყველას სახეზე სიამოვნებისა და ბედნიერების ალმური ასდიოდა, ყველას ბაგეზე ღიმილი ციმციმებდა; ხალხი თავს დაჰბრუნავდა გაშოტილ ხარ-ირემს, რომელიც ამ დილით მონადირეებს მოეკლათ. უსიტყვოდ იწვა ტყის შვილი, ტყის გულ-მკერდით და ლაღად გაზდილი; თვალები, დახოცილი თვალები, მღვრიე წყალში უცურავდა; ენა გადმოეგდო. მონადირის ცხენებმა რომ ნახეს მკვდარი ირემი, ფრუტუნ-ხრუტუნით გაშორდნენ, ზურგი აქციეს, არ უნდოდათ მკვდარი ირემისათვის ეცქირნათ, ამიტომ შორს, ველის ბოლოში, მწვანესა სძოვდნენ, საბელ-ათრეულები.

ბაღლებმა ირემს ჯერ ვერ მისწონეს და ახლა კი რქის ტოტებზე ებლაუჭებოდნენ. „ჩქარა გაატყავეთ, ჩქარაო! – იჟინებდნენ ქალები, – ვნახოთ, რა გემო ექნება ირმის მწვადსა!“ ერთმა ვილაცამ დაიძახა:

– მოდით, ქალებო, ვიდრე მწვადი შეინოდეს, ჰაერი შევისუნთქოთ, სისხლი ავამოძრაოთ, უფრო შევირგებთ. აბა, მამ, ვიდრე მწვადი შეინოდეს, დაირა, დოლი და დიბლიპიტო!

– ძალიან კარგი იქნება, კარგზე კარგი, – ნამოაყრანტალა დიდულვაშებიანმა კაცმა და პირველმა თავად დაიწყო ტლინკვა, ნავარდობა ნაიალაღარს ხარსავით; პირველად ხელგაშლილი ის მიეგება დაირისა და დიბლიპიტოს ხმასა. იმას მოჰყვნიენ სხვანი, დასტრიალებდნენ მწვანეზე, სიცოცხლითა სტკებოდნენ. ზოგს არ ეცალათ: ირემს ატყავებდნენ. ირმის მოკვლა მხიარულებას აათკეცებდა; აუსრულდათ ყველას ნანატრი; მოჰკვლეს ირემი, იმიტომ არ გამოიქცა ველად ეს ამოდენა ხალხი, რომ ირემი ან შველი უნდა მოეკლათ, და მოჰკვლეს კიდევაც.

გულის ნადილი აუსრულდათ; დღეს ბედნიერები იყვნენ ყველა იქ მყოფნი. მხოლოდ ტყე, გარემო ბუნება არ იყო ბედნიერი; ტყე ტიროდა, ტიროდა დიდი ფერდა, კალთა მთისა, რომელიც მდელოს, საცა ირემს ატყავებდნენ, თავს დაჰყურებდა. შავის ტყით დაფარული სერები ოხვრა-კვნესას, ნიავის მიერ მოტაცებულს, იმ მდელოს აფრქვევდნენ, სადაც ხარი-ირემი ესვენა. მსცოვანი ხეები – ცაცხვები, მუხები, თელები, ბოკვები, ვერხვები, ნიფლები, არყები, იფნები და სხვა და სხვანი ვიშვიშებდნენ, ყველამ ერთად გაიგო, თუმცა კარგა დაშორებით იდგნენ ერთი-მეორეზე, თავიანთი საყვარელი შვილის სიკვდილი. ტყე არის ირმის დედა, ძუძუს ტყე ანოვებდა, აკვანს ტყე ურწევდა, საბნადაც ტყე ეხურებოდა. ტყე შეჰხაროდა და შეჰფოფინებდა ხარ-ირემს, თავი მოსწონდა ტყესა, რომ ისეთი ახოვანი, მშვენიერი შვილი გაზარდა.

ირმის მშვენიერებაში თვით ტყისავე მშვენიერება იყო ჩაქსოვილი. სიტურფე ირმისა დამამტკიცებელია ტყის



მშვენიერებისა. ულაზათოს, უშნოს განა შეუძლიან ჰმვას მშვენიერება? ირემში ტყე თავის თავსა ჰხედავდა. ირემი ამაგია ტყისა. აბა, სთქვით – ტყეს, რაზედაც კი ირემს თვალი და პირი მიუწვდებოდა, თუ დაუზოგია?! მიუვალ ტყეს ირემი უფლობდა, როგორც სრულ საკუთრებას; ტყეს ეს უხაროდა, როდი სწყინდა: უნდოდა მისი შვილი, თვისი აღზრდილი, დამდგარიყო ლამაზი, ახოვანი, გონიერი და ღონიერი, სახელოვანი ვაჟკაცი. ირმის სიკეთე იყო სიკეთე თვით ტყისა, როგორც შვილის სიკეთე არის მუდამ დიდება მშობლისა.

– ვაჰმე, ჩემო სილაღევ, ვაჰ, ჩემ თავს! გულში სინათლე ჩამიდგებოდა, როცა გამივლიდა წინ და ლამაზ, უმზაკვრო თვალებს დამაცეცებდა, – ამბობდა ტყეში მწვანე და ყვითელი ხავსით შემოსილი კლდე, მუხისა და ნიფლის ფესვებით დაშანთულ-დახლართული.

ირმებს, მოკლულის ამხანაგებს, ვინ მოაცილიდა სატირლად, დამფრთხლები გარბოდნენ, თავის სიცოცხლე ჰქონდათ საზრუნავად. ტყეში შაშვმაც რომ გააფარუნოს, იმათ სიკვდილად ეჩვენებათ. თვალებს აქეთ-იქით აცეცებდნენ, ყურებს აცქევენ – სმენას იმახვილებენ. ნიავისა ჰყნოსვენ; ადამიანის სუნი მგლისაზე მეტად აშინებთ... ტყე ტიროდა...

დიდრონი მუხის ჩრდილოში სუფრა გრძლად იყო გაშლილი, სუფრის ნაპირები აყვავებინა ჩამწკრივებულ ხალხს – კაცს და ქალს. იყო სმა-ჭამა, დიდი ქეიფი,

ჭიქების ჯახა-ჯუხი, მრავალჟამიერი, არხალალო-ვარხალალო ისმოდა. მღერას მოჰყვა კვალად თამაში, სიცილ-ხარხარი. მზე დასავლეთისკენ გადინურა; საღამო ახლოვდებოდა; მონადირენი შინ წასასვლელად გაემზადნენ; ქალები ურემში ჩალაგდნენ; ვაჟები ცხენებზე ამხედრდნენ. თოფებს, რამდენადაც შესაძლებელი იყო, კობტად იკიდებდნენ; ყოველი მათი მიმოხვრა უსიტყვოდ შემდეგს გამოსთქვამდა:

„ჩვენ ნადირის მკვლელები ვართ, ძალიან მარჯვედ თოფის მსროლენი და იმიტომ კაი ბიჭებიო!“

წავიდნენ მონადირენი შინ იმ ფიქრით, კიდევ როდისმე სწვოდნენ ტყეს და ერთი ირმის მაგივრად ორი, სამი მოეკლათ. დაბრუნდნენ შინ მონადირენი კმაყოფილნი, მხიარულნი. დარჩა ველი ობლად, ზედ მხოლოდ ნაცეცხლარი ეტყობოდა, სადაც ერთი საათის წინად ცეცხლი გიზგიზებდა და ზედ ხის შამფურებზე აგებული ირმის მწვადი იწვებოდა; სადაც გრძლად სუფრა იყო გაშლილი და ქალ-ვაჟის სიცილ-ხარხარი, მხიარულება ისმოდა. აქა-იქ ირმის გამობრული ძვლები ეყარა, ადამიანის კბილის შემდეგ, ძაღლების ნახრავი. ტყე კი ტიროდა და ამბობდა:

„ვაჰმე, ჩემო სახელოვანო შვილო, ბორჯავ, როდისლა აღვზარდო შენისთანა შვილი, რქითა და ტანით დამშვენიებული; შენით ვამაყობდი და დღეის შემდეგ, ვისითლა ვიამაყო?!“




Telegram-ის დამფუძნებელს ასზე მეტი შვილი ჰყავს



ცნობილი სოციალური პლატფორმის დამფუძნებელმა, პაველ დუროვმა განაცხადა, რომ ის ასზე მეტი ბავშვის ბიოლოგიური მამაა. „როგორც ეს შესაძლებელია კაცისთვის, რომელსაც ცოლი არასოდეს ჰყოლია და მართო ცხოვრებას ანიჭებს უპიერატესობას“, – წერს ის საკუთარ პოსტში. დუროვი ამბობს, რომ 15 წლის განმავლობაში, ის სპერმის დონორი იყო. პირველად ასეთი თხოვნით მას მეგობარმა მიმართა, რადგან მას და მის მეუღლეს შვილი არ უჩნდებოდათ. „როცა მივხვდი, რომ ეს სერიოზული თხოვნა იყო, დახმარებაზე დავთანხმდი“, – ამბობს ბიზნესმენი. მოგვიანებით მას კლინიკის ხელმძღვანელმა უთხრა, რომ მსოფლიოში მალაი ხარისხის დონორული მასალის დეფიციტია და დუროვმა გადაწყვიტა, სპერმა რეგულარულად ჩაეხარებინა, რადგან ეს მის „მოქალაქეობრივ ვალად“ მიაჩნდა. მისი დონორული მასალა 12 ქვეყანაში, ასზე მეტ წყვილს დაეხმარა, მშობლები გამხდარიყვნენ. დუროვი ახლა თავისი დნმ-ის კოდის გასაჯაროებას აპირებს, რომ ბიოლოგიურ შვილებს ერთმანეთის პოვნაში დაეხმაროს.

კანი, როგორც დისპლეი



იაპონელმა სწავლულებმა ულტრაბლანტი მოქნილი ფენა შექმნეს, რომლის დახმარებითაც შეგვიძლია საკუთარი კანი თხევად-კრისტალურ დისპლეიდ ვაქციოთ. ფენის სისქე სულ რაღაც 0.003 მილიმეტრს შეადგენს, რაც 13-ჯერ თხელია ადამიანის თმაზე. მისი დაკვრა კანზე პირდაპირ შეიძლება და ის არავითარ დისკომფორტს არ ქმნის. კანზე დატანილი ამ ფენის მეშვეობით შესაძლებელია, მაგალითად, გულის კუნთის კუმშვის სისხრის გაკონტროლება, სისხლში ჟანგბადის დონისა და სხვა მრავალი პარამეტრისთვის თვალ-ყურის დევნება. „ელექტროკანი“ აღჭურვილია სენსორებით, ასევე დისპლეით, ორგანულ დიოდებზე, რომლის მაჩვენებლები კანზე წითელი ან მწვანე ფერით ნათდება. სხვა მსგავსი საფარებისგან განსხვავებით, ახალ გამოგონებას შეუძლია რამდენიმე საათი კი არა, დღეები იმუშაოს. როგორც იაპონელი გამომგონებლები აცხადებენ, მათ ინოვაციას შეუძლია თამამად შეცვალოს პოპულარული ფიტნეს-სამაჯურები, ასევე გამოიყენონ სამედიცინო მიზნებისთვის.

„წყნარი ვაგონები“ კომფორტისთვის



ბელგიის სარკინიგზო ოპერატორი SNCB აპირებს, საქალაქთაშორისო მატარებლებზე, ეგრეთ წოდებული, წყნარი ვაგონები გაუშვას. მგზავრები, რომლებიც ასეთ ვაგონში აიღებენ ბილეთებს, უნდა შეეცადონ, არ დაარეკონ მობილურებზე და არ უპასუხონ ზარებს, დაბალ ხმაზე უსმინონ ყურსასმენებით, რათა გარშემომყოფები არ შეაწუხოთ მუსიკამ, ტელეფონები უხმო რეჟიმზე უნდა დააყენონ და დაბალ ხმაზე ილაპარაკონ. „წყნარი ვაგონები“ უკვე დაიტესტა ბრიუსელსა და ლუქსემბურგს შორის მოძრავ მატარებელზე. სარკინიგზო კომპანიის წარმომადგენლების თქმით, ასეთი მგზავრობა დიდი წარმატებით სარგებლობს. გამოკითხვებმა აჩვენა, რომ ათიდან შვიდი ბელგიელი მგზავრი მატარებლებში ასეთი წყნარი ზონების არსებობას უჭერს მხარს. ათიდან სამმა კი განაცხადა, რომ უფრო ხშირად იმგზავრებდნენ მატარებლით, თუკი იქ „წყნარი ვაგონები“ იქნებოდა. მატარებლები „წყნარი ზონებით“ უკვე მოძრაობენ ავსტრიაში, პოლონეთში, ნიდერლანდებსა და გერმანიაში.

ჭიუტობამ შედეგი გამოიღო



ინგლისელების ოჯახმა, რომელიც მთელი 30 წლის განმავლობაში ლატარეას თამაშობდა და ერთსა და იმავე რიცხვებს ავსებდა, ჯეკ-პოტი მოიგო. როგორც BBC წერს, 87 წლის ოდრი კობმა და მისმა სამმა შვილმა მილიონი გირვანქა სტერლინგი მოიგეს. ისინი ჯიუტად წერდნენ ერთსა და იმავე – 5, 9, 18, 44, 58 და 34 რიცხვებს და როგორც იქნა, სანატრელი შედეგიც დადგა. უფროსი შვილის, დევიდის გადაწყვეტილებით, ისინი თანხას თანაბრად გაინაწილეს და თითოეული 250 ათას გირვანქას მიიღეს. მისი თქმით, ეს წარმოუდგენელი მომენტი იყო. ახლა მოგებული ფულით უფროსი და, კეროლი სახლს იყიდის, უმცროსი სანდრა კი – ავტომობილს. დევიდმა და დედამისმა ჯერ ვერ მოიფიქრეს, რაში დახარჯავენ კუთვნილ ფულს.

მესის ვილა დაარბიეს



ეკოაქტივისტებმა ესპანეთში სახელგანთქმული ფეხბურთელის, ლიონელ მესის 11 მილიონ ევროდ შეფასებული ვილა დაარბიეს. ინციდენტი კუნძულ იბიცაზე მოხდა. მოძრაობა Futur Vegetal-ის წარმომადგენლები არგენტინელი სპორტსმენის სახლის ტერიტორიაზე შეიჭრნენ და შენობის ფასადი წითელი და შავი საღებავებით დასვარეს. მათ ფოტოც გადაიღეს ლოზუნგით ხელში, რომელზეც მოწოდება იყო: „დავეხმართ პლანეტას“. როგორც Le Parisien-ი წერს, ეკოაქტივისტებს ამ გზით, კლიმატური კრიზისის პირობებში, მდიდრების პასუხისმგებლობაზე ყურადღების მიპყრობა სურდათ.

ლუდი გულის დაავადებების რისკს აქვეითებს



ქარვისფერი სასმელის მცირე რაოდენობა გულის დაავადებების რისკს ამცირებს, – ასეთ განცხადებას აკეთებენ იტალიელი სწავლულები. მათ 15 000-მდე ადამიანის მონაცემები გააანალიზეს და დაადგინეს, რომ დღეში ორი პატარა ქილა ლუდის დალევა არა მხოლოდ არ ვნებს ჯანმრთელობას, არამედ, გულისა და სისხლძარღვების დაავადებების განვითარებას 25%-ით უშლის ხელს. ალკოჰოლი და ლუდის სხვა კომპონენტები ორგანიზმზე პოზიტიურ გავლენას ახდენენ. სუსტი სქესის წარმომადგენლებს შეუძლიათ თამამად მიირთვან დღეში ერთი ქილა, ხოლო მამაკაცებმა – ორი ქილა ისე, რომ არაფერი ავნონ საკუთარ ჯანმრთელობას. გამონაკლისს შეადგენენ მხოლოდ ის ადამიანები, რომლებსაც ალკოჰოლის მოხმარებიდან გამომდინარე, სიმსივნის განვითარების მაღალი რისკი აქვს. დანარცხნებს კი შეუძლიათ ლუდის დადებითი ეფექტი შეიგრძნონ, რომელიც მდიდარია ფენოლური შენაერთებით. ეს ნაერთები გამოირჩევიან ანტიოქსიდანტური და ანთების საწინააღმდეგო მოქმედებებით. სწავლულთა თეორიებით, ქარვისფერ სასმელს სხეულის ვირუსებისგან დაცვაც შეუძლია.

სუნამო ოთხფეხა მებობრებისთვის



ცნობილმა იტალიურმა ბრენდმა – Dolce & Gabbana-მ, სუნამო ძაღლებისთვის შექმნა. პარფიუმს Fefé უწოდეს. როგორც ჟურნალი Vogue წერს, სუნამო არ შეიცავს სპირტს, სამაგიეროდ, სანდალოვის ხის, მუსკუსისა და ილანგ-ილანგის არომატები სასიამოვნოა, როგორც ცხოველებისთვის, ასევე ადამიანებისთვისაც. პარფიუმის შემქმნელები გვარწმუნებენ, რომ არომატები მოიწონეს ეთოლოგებმა (ცხოველთა ქცევის მეცნიერულად შემსწავლელები, – რედ.), ვეტერინარებმა და ძაღლების მფლობელებმაც. ოთხფეხებისთვის განკუთვნილი სუნამო მწვანე ფლაკონშია ჩამოსხმული და მას მკვეთრი წითელი თავსახური აქვს. ფლაკონს 24-კარატიანი ოქროთი დაფერილი თათიც ამშვენებს. პარფიუმის ღირებულება 99 ევროა.

მარილის ალერნატივა შექმნეს



პროდუქტები მარილის ნაკლები შემცველობით, შესაძლოა, სასარგებლოა, მაგრამ ნაკლებგემრიელია. ახლა შეიძლება ყველაფერი შეიცვალოს – სწავლულები აცხადებენ, რომ მათ შეძლეს მარილიანი გემოს მიღება ნამდვილი მარილის დამატების გარეშე. ექსპერიმენტმა აჩვენა, რომ ახალი ტექნოლოგიით მომზადებული პროდუქტები სასიამოვნო გემოსი იყო. ახალი ნარევი, რომელიც ტრადიციულ მარილს ცვლის, მეტწილად, კალციუმის ქლორიდისგან შედგება. ის ვაშინგტონის უნივერსიტეტის სწავლულებმა შექმნეს. მოხალისე-დეგუსტატორებს ასეთი „მარილით“ შეგემებული წყალი და ტომატის სუპი გაასინჯეს, რომელთაც მისი სასიამოვნო გემო აღნიშნეს.

ხელოვნური კანი შექმნეს



ამერიკელმა სწავლულებმა, ჰარვარდის სამედიცინო და მასაჩუსეტის ტექნოლოგიური ინსტიტუტებიდან, ელასტიური ფენა შექმნეს, რომელიც დატანისას არა მხოლოდ ამცირებს ნაოჭებს და ჩაშავებულ თვალის უბნებს, არამედ, აუმჯობესებს კიდეც ეპითელის მდგომარეობას, მისი მუდმივი დატენიანების გამო. კანზე დატანილი მასა შრება და ახალგაზრდა ადამიანის კანივით გამოიყურება. ეს სინთეტიური მასალა ბიოლოგიური კანის იმიტირებას ახდენს და ჰაერგამტარ დამცავ ფენას წარმოადგენს. პოლისილოქსანური პოლიმერის ფენა ლაბორატორიაში სილიკონისა და უნაგბადისგან მიიღეს. ამჟამად პროდუქტის ავტორები განიხილავენ მისი კომერციული გამოყენების შესაძლებლობასაც. ის შეიძლება მზის სხივებისგან დამცავ ფენად, ან გარკვეული სახის ნამღების დოზირებისთვისაც გამოიყენონ. სწავლულთა თქმით, ხელოვნური კანი თითქმის უხილავია, ის შეიძლება ადამიანმა მთელი დღის განმავლობაში ატაროს, ის არ რეაგირებს ოფლისა და წვიმის წვეთებზე. თუმცა, გამოგონების ავტორები აღნიშნავენ, რომ „კანის“ კომერციული წარმოებისთვის დამატებითი კვლევები საჭირო და პოლიმერი ქვეყნის მარეგულირებელმა ორგანოებმაც უნდა მოიწონონ.

სიმსივნის დამარცხებაში ბოლოკი დაგეხმარებათ



დიეტოლოგები გვირჩევენ, გაზაფხული-ზაფხულის რაციონში აუცილებლად ჩავრთოთ ბოლოკი. ცოტათუ იცის, რომ ის სუპერპროდუქტის წოდებას იმსახურებს. ბოლოკი ყველაზე

უფრო ნოციერი ზაფხულშია, თუმცა მასში ძალიან ცოტა კალორებია. ეს ბოსტნეული დაგეხმარებათ ხველების დროს, რომელიც გაციებას ახლავს თან, ამასთან ბოლოკი აქტიურებს იმუნიტეტსაც. ფიტოქიმიური ნაერთები, რომლებსაც ბოლოკი შეიცავს, ანტიბიოტიკური თვისებებით გამოირჩევიან. მასში ბევრი „ცე“-ვიტამინი და ის ნოვთიერებებია, მათ შორის, კალიუმიც, რომელიც წნევას აქვეითებს. იმის გამო, რომ ბოლოკი უჯრედის დიდი შემცველობიტაც გამოირჩევა, ის შეუცვლელი პროდუქტია დიაბეტიანებისა და გართულებული კუჭ-ნაწლავის ტრაქტის მქონე ადამიანებისთვის. სხვათა შორის, ბოლოკი კოსმეტიკურ საშუალებადაც შეიძლება გამოიყენოთ, თუკი წვრილად დაჭრილს ან გახეხილს სახეზე ნიღბად დავიდებთ. „ცე“-ვიტამინის წყალობით, ასეთი ნიღბი კანს აახალგაზრდავებს და ელასტიურს ხდის.

სუში – ბიომეტრიული მონაცემებით



ამომავალი მზის ქვეყანა რომ დანარჩენ პლანეტაზე რამდენიმე ნაბიჯით წინ არის, ეს არაერთხელ დამტკიცეს ახალი ტექნოლოგიებითა და ინოვაციებით. ამჯერად იაპონელებმა გადაწყვიტეს, მათი ერთ-ერთი პოპულარული კერძი – სუში დახვეწონ. შესაძლოა, ვიღაცას ფანტასტიკის სფეროდ მოეჩვენოს, მაგრამ ერთმა ადგილობრივმა სტარტაპმა წარადგინა პროექტი Sushi Singularity – რესტორანი, სადაც კლიენტებს პერსონალიზებული სუშის მირთმევა შეეძლება. მას მსურველის ჯანმრთელობისა და ბიომეტრიული მონაცემების შესახებ ინფორმაციის გათვალისწინებით დაამზადებენ. პროექტი ჩაფიქრებულია, როგორც რევოლუცია კვების სფეროში. რესტორანი ყოველ კლიენტს გარანტიას მისცემს, რომ საჭმელი, რომელსაც შესთავაზებენ, მისი ორგანიზმის მოთხოვნილებას სრულად დააკმაყოფილებს და კვებით ღირებულებებითაც შესაფერისი იქნება. საამისოდ, ტრაპეზის წინ, სტუმრებმა საკუთარი ბიოლოგიური მონაცემები უნდა ჩააბარონ. მათი შესწავლის შემდეგ სპეციალისტები პერსონალურ სუშის დაბეჭდავენ, სამგანზომილებიან პრინტერზე. საკითხავია, მოისურვებენ თუ არა კლიენტები საკუთარი ბიოლოგიური მონაცემების გამჟღავნებას იმისთვის, რომ უფრო ნოციერი სუში მიირთვან, ვიდრე ჩვეულებრივი? თუკი პროექტის ავტორების გეგმები განხორციელდა, რესტორანი Sushi Singularity ტოკიოში წელს გაიხსნება.

პაციენტი ლუდით გადაარჩინეს



ვიეტნამელმა ექიმებმა მამაკაცის სიცოცხლე იხსნეს, რომელიც კლინიკაში ალკოჰოლური მონამვლით შეიყვანეს. ავადმყოფი მძიმე მდგომარეობაში რენიმაციულ განყოფილებაში მოათავსეს. მის სისხლში მეთანოლის დონე ნორმას 1119-ჯერ აჭარბებდა. ჩანს, მან დიდი რაოდენობით უხარისხო სასმელი დალია. მამაკაცს 0.3-ლიტრიანი სამი ქილა ლუდი დააღვინეს, მასში ეთანოლის-მეთანოლის ანტიდოტის შემცველობის გამო. ამის წყალობით, მამაკაცი გონს მოვიდა. შემდგომი 12 საათის განმავლობაში, პაციენტს საათში ერთხელ, ერთ ქილა ლუდს ასმევდნენ, პარალელურად კი სისხლს უწმენდნენ საშიში ტოქსინებისგან. ამგვარი მკურნალობის შემდეგ ავადმყოფი სრულიად გამოჯანმრთელდა და სამ კვირაში კლინიკიდანაც გაეწერა.

ათონთიანი ბეთჰოვენი ინსულტს აგარიდაბთ



ოქსფორდის უნივერსიტეტის სწავლულებმა დაადგინეს: განმეორებადი ათნამიანი რიტმი, რომელიც ისეთ კლასიკურ მუსიკალურ ნაწარმოებშია, როგორც არის ჯუზეპე ვერდის „Vex Pensiero“, ბეთჰოვენის მე-9 სიმფონია და ჯაკომო პუჩინის „Nessun Dorma“, არტერიული წნევის დარეგულირებას უწყობს ხელს და თავიდან აგაცილებთ გულსისხლარღვთა დაავადებებს. პაციენტისთვის საკმარისია, დღის განმავლობაში, მხოლოდ ათი წუთით მოისმინოს ამგვარი მუსიკა. ოცნლიანი გამოკვლევების შედეგები უნივერსიტეტის ცნობილმა კარდიოლოგმა, პიტერ სპეიტმა წარადგინა. მეცნიერის თქმით, კვლევებისას პოზიტიურ ეფექტს მხოლოდ ეს ზემოთჩამოთვლილი ნაწარმოებები იძლეოდნენ. როკ-პოპ და სხვა კლასიკური მუსიკა კი მნიშვნელოვან გავლენას არ ახდენდა პაციენტების მდგომარეობაზე და პირიქით, მათ გულის კუმშვის სიხშირესაც უმატებდა.

სიზმრებით დიაბნოსტიკაც შესაძლებელია?



ბრიტანელმა სწავლულებმა ლაფბოროს უნივერსიტეტიდან სიზმრების სამედიცინო ახსნა შეადგინეს, რომელიც გარკვეული შინაარსის სიზმარსა და დაავადებას შორის კავშირს აღწერს. მაგალიტად, ხშირი კომმარები, როგორც აღმოჩნდა, იმ ადამიანს ესიზმრება, რომელსაც შაკიკი, გულსისხლძარღვთა სისტემის პათოლოგიები აწუხებს ანდა ბეტა-ადრენოგლიკოტორების ჯგუფის პრეპერატებს იღებს. როგორც წესი, კომმარები ძილის დროს, ტვინში სისხლის მიწოდების გაუარესებას უკავშირდება, – ამბობენ მეცნიერები. სწორედ ეს არის მიზეზი საშინელი სიზმრებისა. ხშირად ცვალებადი სიზმრები – ოთახში ძალიან მაღალი ან დაბალი ტემპერატურის შედეგია. გარდა ამისა, არცთუ იშვიათად, სიზმრების სიხშირე დამოკიდებულია ანტიდეპრესანტების მიღებაზე ან ზურგზე, წელსა და სახსრებში ქრონიკულ ტკივილებს უკავშირდება. მძიმე სიზმრები, რომლებშიც ადამიანი ვინმესგან გაქცევასა და თავის გადარჩენას ცდილობს, ალცჰაიმერისა და პარკინსონის დაავადების ნიშანია. ასეთი სიზმრები ნერვული სისტემის პათოლოგიის განვითარების მანიშნებელი შეიძლება იყოს. თუმცა, როგორც სპეციალისტები აღნიშნავენ, შესაძლოა, მსგავსი სიზმარი ნორმა იყოს გადაღლილობის ან ძლიერი ემოციური განცდების გადატანის დროს. ალკოჰოლის მიღება, მწვავე ინფექციური დაავადებები და თავის ტვინზე ტოქსიკური ზემოქმედების სხვა ტიპები აშკარა, მკვეთრი სიზმრების მიზეზი ხდება. ეროტიკული ხასიათის სიზმრები, მკვლევართა განცხადებით, ჩვეულებრივ, არ უკავშირდება ადამიანის სექსუალურ სურვილებს. ხშირად, ასეთ სიზმრებს ხანდაზმულები ხედავენ და ის განპირობებულია ტვინის მაღალი კრეატიულობით.

კიბოს საწინააღმდეგო ანტიბიოტიკი შექმნეს



მკვლევართა საერთაშორისო ჯგუფმა პირველად შექმნა სიმსივნის საწინააღმდეგო ნივთიერება, რომელსაც კედარციდინი ჰქვია. ეს ნაერთი ეფექტურია კიბოს უჯრედებთან ბრძოლაში, ასევე ანტიბიოტიკების მიმართ მდგრადი ბაქტერიების წინააღმდეგ. მკვლევარებმა კედარციდინის მოლეკულური სტრუქტურის დადგენა, ბუნებაში მისი აღმოჩენიდან ათი წლის შემდეგ შეძლეს. ის, დაახლოებით, 30 წლის წინ, ინდოეთში აღებული ნიადაგის ნიმუშიდან გამოყვეს. აღმოჩნდა, რომ ნაერთი მაღალი ბიოლოგიური აქტივობით გამოირჩევა და მიკროორგანიზმების დნმ-სა და კიბოს უჯრედებში დნმ-ის დაზიანებას იწვევს, რითაც ხელს უშლის მათ შემდგომ ზრდას. თუმცა, მისი რთული სტრუქტურის გამო, დიდი ხნის განმავლობაში, მეცნიერებმა ვერ მოახერხეს ამ ნივთიერების ლაბორატორიაში მიღება. სპეციალისტების თქმით, ამჯერად მიღებული შედეგებით, ახალი თაობის ანტიბიოტიკებისა და სიმსივნის საწინააღმდეგო აგენტების შემუშავება უკვე შესაძლებელია.

პოლიციელი ქვეშევრდომებს ძალით აჭმევდა



იაპონიის პოლიციის სერჟანტმა თანამდებობა მას შემდეგ დატოვა, რაც გაირკვა, რომ ის საკუთარ ხელქვეითებს, დაბალი რანგის ოფიცრებს, ძალით აჭმევდა საჭმელს. „ძალადობაში ბრალდებული“, 40 წლის მამაკაცი აცხადებს, რომ ის თავის ოთხ თანამშრომელს აიძულებდა, სხვადასხვა კერძები უზარმაზარი პორციებით მიერთვით, რათა ამ გზით „გამობრძმედილიყვნენ“. გარდა ამისა, ხელმძღვანელს სურდა, ხელქვეითების სახეზე უკმაყოფილო გამომეტყველებისთვის მიეღწია. უფროსის მიერ შეთავაზებულ საკვებში კი, რომელიც ოფიცრებს უნდა ეჭამათ, შედიოდა 15 ჰამბურგერი, 15 ლეზელი, 3-4 ლიტრი რძიანი ყავა, 4 ჯამი სწრაფი მომზადების შემწვარი მაკარონი. ამასთან, საკვების საფასური პოლიციელებს თავად უნდა გადაეხადათ. უცნობია, ვინ „ჩაუშვა“ „ბოსი“, რადგან თავად ხელქვეითები არ ჩიოდნენ მის სასტიკ მოპყრობაზე.

სიცოცხლის ხანგრძლივობას ტემპერატურა განსაზღვრავს



სწავლულებმა დაადგინეს, რომ ადამიანის სიცოცხლის ხანგრძლივობაზე გავლენა არა მეთაბოლიზმს, არამედ, სხეულის ტემპერატურას აქვს. ადამიანები, რომელთაც სწრაფი და რისკის შემცველი ცხოვრების წესი აქვთ, უფრო ხშირად ხვდებიან ავარიებში და გარდაცვალების რისკიც, რასაკვირველია, იზრდება. ბიოლოგიაში კი, იგივე პროცესი ასე მიმდინარეობს: ცხოველები, რომელთაც მეთაბოლიზმის მაღალი მაჩვენებელი აქვთ, უფრო ადრე კვდებიან, ვიდრე ნელი მეთაბოლიზმის მქონენი. მართალია, კალორიების შეზღუდვა თუ ვარჯიში დაბალი მეთაბოლიზმის მაჩვენებლებს განაპირობებს, თუმცა ამას ადამიანის სიცოცხლის ხანგრძლივობაზე დიდი გავლენა არ აქვს. მეთაბოლიზმის ეფექტისთვის, მიზეზად სხეულის ტემპერატურა ითვლება. ამის დასადასტურებლად მკვლევარებმა ექსპერიმენტი ჩაატარეს მღრღნელებზე. აღმოჩნდა, რომ დაბალი მეთაბოლიზმი არ ახანგრძლივებდა მათ სიცოცხლეს, მაღალი ტემპერატურა კი ამცირებდა მას. გამოდის, რომ სხეულის ტემპერატურა უფრო მეტ გავლენას ახდენს სიცოცხლის ხანგრძლივობაზე, ვიდრე მეთაბოლიზმის მაჩვენებლები.

საჭმელს კოვზი აგემრიელებს

ამერიკულმა სტარტაპმა – SpoonTEK, შექმნა მონოცილიზმი, რომელიც ჩვეულებრივ კოვზს ჰგავს, მაგრამ ელექტრონული შიგთავსი და ელემენტი აქვს. ერთი ელექტროდი სახელურის ქვედა ნაწილშია, მეორე კი გაჯეტის შიგნით. რაკილა ის კვების დროს არის გამოსაყენებელი, კოვზი საკმაოდ გამძლეა წყლისა და მექანიკური ზემოქმედებისგან. შესაბამისად, ასეთი კოვზის გამოყენება თამამად შეიძლება თხევად კერძებშიც. მონოცილიზმი კი ძალიან მარტივად მუშაობს – მომხმარებელი აწვებს ელექტროდს, რომელიც სახელურზეა, საკვები კი მეორე ელექტროდს ფარავს. როცა ადამიანი კოვზს პირში იღებს, იკვრება ელექტროლიზაცია და ხდება მსუბუქი ელექტროსტიმულაცია ენის გემორივი რეცეპტორებისა, რაც აძლიერებს გემოს შეგრძნებებს. იგივე პრინციპი წარმატებით გამოიყენება საკვები ჩხირებისა და კოქტეილის ბოკალებისთვის. ასეთი ელექტროლიზაცია ორგანიზმს არანაირ ზიანს არ აყენებს. ავტორები გვაფრთხილებენ, რომ კოვზი ჭურჭლის სარეცხ მანქანაში არ გავრეცხოთ, მის გამოყენებას არ ურჩევენ იმ ადამიანებს, რომლებიც კარდიოსტიმულატორებსა და სხვა მსგავს მონოცილიზმებს ატარებენ. სამ ფერში წარმოდგენილი SpoonTEK მყიდველისთვის უკვე ხელმისაწვდომია სტარტაპის საიტზე და ის 29 დოლარი ღირს.

წყალქვეშა სადგომი ველოსიპედიანებისთვის



ამსტერდამში, ცენტრალური სადგურის ახლოს, წყალქვეშა სადგომი ააშენეს ველოსიპედიანებისთვის. ის ამ „ჩრდილოეთის ვენეციის“ ცნობილი არხების ქვეშ მდებარეობს და ნიდერლანდების დედაქალაქს სადგომი საშუალებას მისცემს, სანაპირო ზოლიდან ათასობით ველოსიპედი მოაშოროს, რომელთაც რეგულარულად ტოვებენ მგზავრები. საკუთარ სატრანსპორტო საშუალებას იქ უფასოდ, მხოლოდ ერთი დღით შეინახავენ, მერე კი დღეში 1.35 ევრო იქნება გადასახდელი. მუნიციპალური სადგური ყველაზე ხალხმრავალი ადგილია ამსტერდამში. სადგომის წყალქვეშ ჩატანით საზოგადოებრივი სივრცე გათავისუფლდა ფეხით მოსიარულეებისთვის, ტურისტებისა და შეზღუდული უნარის მქონე ადამიანებისთვის, – აცხადებს მერიის წარმომადგენელი. ბოლო მონაცემებით, 835 ათასი ამსტერდამელი, დღეში 665-ათასჯერ მგზავრობს ველოსიპედით.

წყალმცენარეები – მომავლის სუპერსაკვები



სწავლულებმა, UCSD-ს ამერიკული უნივერსიტეტიდან, ახალი გამოკვლევის შედეგები გამოაქვეყნეს. მათი განცხადებით, წყალმცენარეებს აქვთ შანსი, უახლოეს მომავალში ნამდვილი სუპერსაკვები გახდეს. ცნობილია, რომ ამ მცენარეების სასარგებლო ბიომასა 167-ჯერ აჭარბებს სიმინდის მაჩვენებელს, თუმცა ერთსა და იგივე ფართობზე, შესაძლოა, წყალმცენარეების უფრო დიდი მოსავალი მოვიყვანოთ, ვიდრე სიმინდის. უფრო მეტიც, მკვლევარებმა დაადგინეს, რომ მათში ცილებისა და ცხიმების დიდი რაოდენობაა, რაც წყალმცენარეებს ცხოველური საკვების უფრო ეკოლოგიურ ალტერნატივად აქცევს. სპეციალისტების თქმით, წყალმცენარეებში ათჯერ მეტი ცილაა, ვიდრე სოიოში. ევროპელმა მკვლევარებმა კი დაადგინეს, რომ მთელი „ბებერი კონტინენტის“ მომარაგება ცილებით მხოლოდ ისლანდიის ტერიტორიიდანაც კი შეიძლება, სადაც საკმაოდ იაფი და უსაფრთხო ენერჯიაა და წყალმცენარეების წარმოებაც მეტად პერსპექტიული იქნება. თუმცა, ერთადერთი სირთულე მომხმარებელი და მისი გემოვნებაა, რომლის კორექტირებაც იქნება საჭირო. კერძოდ, ის მსგავსი პროდუქციის ფერს, გემოსა და სუნს უნდა შეეჩვიოს.

ვერსია
 მისამართი: ქ.თბილისი, სანკტ-პეტერბურგის ქ. 7.
 UDC(უაპ)070.48.32(479.22)3-387

დაფუძნებულია და მთავარი რედაქტორი
 მაია ფურცელაძე (599) 62-88-77
 დირექტორი – გიორგი ლომსაძე
 e-mail: versiaprinti@yahoo.com www.versia.ge
 ტელ: +995 32 294 23 99

ISSN 1987-8699

დაცულია საავტორო უფლებები.
 რედაქციაში შემოსული
 მასალები უკან არ ბრუნდება.
 სტატიაში მოყვანილ ფაქტებსა
 და ინფორმაციის სიზუსტეზე
 პასუხს აგებს ავტორი. პრეტენზიის
 შემთხვევაში დაგვიკავშირდით
 14 დღის განმავლობაში.